

九五

蒲
陸
藏

上

錦
月

九五

冊二

藏

地

卷五

九

安上人

重刊禮念錄隨道場懺法序

余觀古論念佛往生公多誇

自力心切唯心以均主不注而注

性流地不或る或る

念心切請心發信一也

念心切請心發信一也

人語之聲一呼一吸之間

總之。此篇之旨。一在

此。一在彼。一在彼。一在

傷。一在。一在。一在。一在

此。一在。一在。一在。一在

此。一在。一在。一在。一在

釣し去るも遠くは舟に帰

し一舟にりて舟に歸る

一舟にりて舟に歸る

大船六隻海延びて舟に歸る

三隻の舟に舟に歸る舟に歸る

舟に歸る舟に歸る舟に歸る

幾六
...
...
...

公
...
...
...

...
...
...
...

...
...
...
...

...
...
...
...

...
...
...
...

佛之八萬

佛之八萬

佛之八萬

佛之八萬

佛之八萬

佛之八萬

大福殿ノ御書

少少ノ御書

少人ノ御書

少少ノ御書

少少ノ御書
著

少少ノ御書

少

大正八年九月
日本國海軍省



Vertical text on the right edge of the page, possibly bleed-through from the reverse side.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.

Vertical text line on the right side of the page.



南無過去毗婆尸佛

南無尸棄佛

南無毗舍浮佛



南無拘留孫佛

南無拘那含牟尼佛

南無迦葉佛



南無教主釋迦牟尼佛

南無西方阿彌陀佛

南無當來彌勒尊佛



彌陀懺讚

奉政大夫翰林修撰同知制誥趙秉文撰

極樂居士王慶之集淨土因緣為懺文
閑閑居士稽首讚曰未曾有也昔有達
官事一道人謹甚親友或勸之曰公聰
明特達何至作此闕冗事公謝不敏勸
者愈力公曰若等果以余為聰明特達
而復事彼是必有賢於我者矣彌陀淨
土諸經稱讚者不一歷代名士歸依者

甚衆可以無疑矣至於太白樂天東坡
山谷皆知尊嚮其亦可謂聰明特達者
非耶宿植善根者不待余言而了不然
如小兒觀戲隨長者笑可也更或未然
但觀此懺思過半矣乃敬而為之讚曰
衆生見佛 祇是一心 佛度衆生
不離大願 心猶鏡然 交光涉入
願猶地然 有種即生 汝且觀此
諸大幻師 陽燧取日 方諸承月

本無去來

緣有彼此

當知淨土

亦復如是

又如二人

出門相背

一人適燕

一人適越

乃至終身

各不相值

苟為相求

萬里咫尺

佛愛衆生

如母憶子

子若逃逝

雖憶何為

子若念母

決定見母

我觀彌陀

作慈母想

觀音勢至

為佛長子

一切菩薩

是我眷屬

無量法財

隨意充足

孰有智者

甘受貧苦 捨極樂土 戀閻浮提

發心還家 須知道路 極樂居士

是汝導師 當知此懺 諸資糧具

稽首十力 為我證明 敬告佛子

當作此觀

彌陀懺序

儒林郎應奉翰林文字同知 制誥兼夔王府文學記
室叅軍武騎尉賜緋魚袋李 純甫 撰

天地之中凡有血氣皆有闔心更相噉
食其苦無量幸而為人差似樂者僻在

蠻夷亦相屠害與苦相應又幸而生於
中國其樂頗勝試考於古史兵饑疫癘
苦相居多又幸而老於治世誠可樂也
其困窮微賤疲羸殘廢之屬猶有不勝
其苦者至於大幸富足貴豪康強聰慧
之徒其樂為何如哉或嗜欲未滿其志
或憂患遽及於身尚且不免悲思驚嘆
有自以為苦者佛說衆生世界為苦趣
此真實語也故學佛者先修苦行經無

引陀羅尼經
三
數劫求寂滅樂未得少分然則何以疾
度此苦厄徑至樂地耶佛大慈悲開方
便門云此西方有無量壽佛國名極樂
衆生起一念信心持彼佛名號即得往
生同無量壽更無老病死者神通智慧
與無數劫修行者等無有異故名極樂
此又真實語也自佛教東行陰修密證
者不可勝數但昧者不知耳近讀極樂
居士結集西方淨土懺文法門乃學佛

者之捷徑屬予讚嘆故亦以真實語識
之崇慶二年中春望日序

啓運彌陀道場懺法一心

歸命十方三世一切諸佛

子山詩話序

子山詩話序

子山詩話序

子山詩話序

禮念彌陀道場懺法卷第一

極樂居士王

子成

集并序

立此彌陀懺法者廣則恐其文繁略則慮其義闕如常禮念應赴只讀大字若推本末因緣須尋小注庶得廣略兩存自他俱益一帙十卷例皆倣此

原夫釋迦大覺出慈旨以叮嚀讚彼彌
陀運悲心而廣博教四十八之誓願願
願度生開一十六之觀門門門攝化救
提溺者越苦海之迅航指導迷人出輪
迴之捷徑高超三界迴出四流十方接
引諸群生九品護持如一子又聞古今

善士縑素名人感應尤多往生非一方
袍圓頂宜追慧遠之高風儒履道冠可
慕遺民之雅範啓芳懷玉壽終而化佛
迎歸張抗吳瓊命盡而金僊引去善和
具屠牛之業尚往玉池仲舉負害命之
怨亦生金地慈光照處地獄為之崩墮
聖號持時天魔為之悚懼不思議佛力
無障礙神通一聲滅八十億劫罪愆一
念獲八十億劫功德是以世尊觀彼方

之緣會在此界之有情特開往生一門
教入念佛三昧日修片時之少善後為
萬劫之資糧現世則白業頓增惡緣漸
息人敬而神祐禍去而福來梁氏女目
盲而重明馮夫人身病而復差邵希文
神遊而脫難劉惠仲夢魘而無驚此乃
身前之効也臨終則免赴黃泉更無黑
業緩則一日至于七日急則十聲至于
一聲面覩白玉毫身乘紫金座閻王不

敢召化佛自來迎直歸極樂之鄉永別
幽冥之路范婆瞻聖像於戶外曇鑿得
蓮花於餅中烏長王天樂盈空隋文后
異香滿室此乃往生之徵也過世則名
除鬼簿位列佛階立冢現祥輝骨骸為
舍利拋閻浮之短景居安養之長年化
生菡萏花中託質芙蓉池內勢至觀音
為其勝友馬鳴龍樹結作法朋雖名往
生凡夫便是不退佛子前唐善導垂語

向五雲堂中後魏曇鸞現形於七寶舫
內此乃身後之驗也壽盡臨終之感應
傳廣聊陳生前身後之禎祥文繁略載
凡夫心劣用自力以難成法藏願強仗
他威而易就自他二利悲智兩全幸當
末法之時此教大弘之際今則愚將管
見強毅毫端頗依梁武懺之規儀粗闡
彌陀教之功德千佛備列衆聖全彰十
方調御共力消殃三世如來同緣懺罪

削阿鼻之恐怖說淨土之莊嚴三塗路上教箇箇迴程九品池邊使人人進步流通十卷懺法度脫三世衆生經云梵語阿彌陀此云無量壽或云無量光梵語須摩提此云極樂國或云安樂刹若受持讀誦為過去者救拔惡趣為現在者增福消災為未來者教修淨土廣於三界徧及四生或行十惡業見聞則霧散若犯五無間禮念則雲消引一切有

情化生度無量衆生成佛蒙此懺力受
彼佛恩西方淨土一訣往生無上菩提
兩手分付請威加護偈曰

集此彌陀禮念懺美欲於濁世救群生

同超三界出輪迴三盡令離苦生極樂

自思福薄智慧淺美凡愚學寡文荒疎

發揮淨土讚彌陀今捧土培山蠶酌海

懺法廣大才輕微三慚恐不契諸佛心

我今清淨身口意三焚香哀請道場中

仰告三世與十方

彌陀淨土諸三寶

惟願不捨大慈悲

神通法力冥加護

願賜觀音甘露辯

下筆盈軸如智覺

上契諸聖下契機

集成懺法度有情

衆生見聞喜信受

流通傳布遍十方

廣度一切衆生界

盡未來際恒無盡

若有十惡無間罪

遇此懺法滅無餘

現在皆具五功能

過去咸蒙八解脫

臨終悉願往西方

共覩彌陀成佛道

啓請三寶

今日道場幽顯大衆仰啓三身四智圓
明十號之尊八藏五乘微妙一真之教
悲增智增之菩薩有學無學之應真遍
法界之龍天盡虛空之賢聖伏冀不捨
慈悲之願惟垂照鑒之心今夜建淨土
道場示群生歸向陳斯勝會露以丹誠
蓋以某甲等某甲字請各自稱名後皆例此三界受身循環豈
離於六道一靈秉質漂流未出於四生

人間八苦交煎天上五衰共惱不有大
慈悲父孰開真解脫門欲修九品之真
歸須懺多生之惡業而况圓明妙體本
唯一心虛幻浮生妄為衆罪罪唯妄起
隨惡緣而乃成妄以真除因善念而得
滅幸望同業大衆各拔異念攀緣盡出
苦輪同生樂國今依釋迦遺教禮懺法
門召請聖賢願垂感降
南無一心奉請靈山不滅鶴樹常存千

百億化身釋迦牟尼佛

南無一心奉請光明普照壽命難思四

十八願阿彌陀佛

南無一心奉請一生兜率三會龍華當

來下生彌勒尊佛

南無一心奉請五峯聖主七祖佛師大

聖文殊師利菩薩

南無一心奉請如來長子法界願王大

聖普賢菩薩

南無一心奉請普門示現願力弘深大

聖觀世音菩薩

南無一心奉請念佛三昧攝化衆生大

聖大勢至菩薩

南無一心奉請菩提高廣大智宏深清

淨大海衆菩薩

南無一心奉請十方盡虛空界一切諸

佛一拜

南無一心奉請十方盡虛空界一切尊

法拜一

南無一心奉請十方盡虛空界一切賢

聖拜一

又復一心奉請十方盡虛空界一切三

寶無量賢聖拜一

今日道場幽顯大衆已請三寶虔瀝丹

誠披露積懃願求禮懺某甲等志心歸投

西方淨土極樂世界阿彌陀佛

歸依西方三寶第一

决疑生信第二

引教比證第三

往生傳錄第四

極樂莊嚴第五

禮懺罪障第六

發菩提心第七

發願往生第八

求生行門第九

總為禮佛第十

自慶第十一

普皆迴向第十二

囑累流通第十三

歸依西方三寶第一

夫歸依西方三寶者我佛隨根授道應物現形廣演修多
 羅備讚彌陀國因緣際會感應道交凡心專想於西方真
 身定降於瞻部其猶葉公畫龍而龍現子晉吹鳳而鳳來
 蓋凡聖以交通由志誠之冥會是以慈恩首稱十勝智者
 明辨十疑太子瞻共說勸生之偈樂天子厚同述願往
 之文優曇花之一開不知幾劫淨木孔之相值何啻千生
 獲利尤多用功極鮮是以六方共讚十刹同宣主勝
 願強緣深悲重欲知淨土求生路當入彌陀禮懺門

今日道場同業大眾宜各人人攝心諦

聽今為憐愍一切衆生無明覆心迷於
淨土戀著三界不求往生六道輪迴漂
流生死為斯顛倒無信凡夫集諸經論
教修往生西方淨土極樂世界度生道
場禮懺法門良為凡夫垢重貪愛昏迷
造罪恣情不怖泥犁痛苦長劫平生放
逸但嗜奢華不知修進臨終苦逼方始
歸依縱欲虔誠注心何地荒忙失志無
法可憑甘入三塗可悲可愍無依無怙

無趣無歸今乃遣愚昧者起信求生令
智慧者決疑悟道所有我等無始至今
不信歸依西方三寶不求厭離濁世五
燒不了自心起惑造業或五逆十惡破
齋犯戒具諸不善生死輪迴至於今日
皆因從昔以來不覺不知不聞不見不
親師友不逢經教不識因果妄起毀謗
自作教他見作隨喜業障所使都無信
受一切種種障難因緣阻往生行斷成

佛種墮失聖胎漂沉惡趣未來生死無
有盡期不得往生不得解脫皆因我等
罪業牽纏愚迷顛倒不信阿彌陀佛不
信往生淨土身口意業侮慢訶毀或時
見聞心則輕笑見人禮念惡心毀謗破
他善事不肯勸修惱亂行者讚歎邪師
設爾信者進退猶豫無決定心身在道
場心緣世務口談淨土意戀閻浮雖手
掐念珠而心懷毒惡外境則違順繁興

內心則愛憎迭起唯有虛言全無實行
善未積於毫釐惡已成於山嶽不仗三
歸難除五怖如是等罪無量無邊求哀
禮懺願乞除滅相與志心等一痛切五
體投地歸依世間大慈悲父

志心歸命西方淨土極樂世界一切佛寶

一拜

志心歸命西方淨土極樂世界一切法寶

一拜

志心歸命西方淨土極樂世界一切僧寶

一拜

西方諸三寶 我等與衆生

志心歸命禮 願生安樂國

又復歸依如是西方淨土極樂世界一

切三寶無量賢聖

拜一

今日道場同業大眾重加志誠一心諦

聽無量壽經云彌勒菩薩白佛言世尊

於此娑婆世界有幾不退菩薩生無量

壽佛國佛告彌勒於此世界有六十七

億不退菩薩往生彼國一一菩薩已曾

供養諸佛次如彌勒者也諸小行菩薩

及修習少功德者不可稱計皆當往生
不但我刹諸菩薩往生十方世界無量
佛國其往生者甚多無數像法決疑經
說佛滅度後正法五百年持戒堅固像
法一千年禪定堅固末法一萬年念佛
堅固准法王本記釋迦碑文已有二千
餘年入末法來數百餘載故知正是衆
生念佛堅固彌陀度生時緣已至如經
所說此界衆生我等大衆根緣成熟機

感相應遇斯懺法往生無量是知念佛
福生禮懺罪滅求生淨土萬無遺一宜
各諦信佛言厭離娑婆忻求極樂相與
志心五體投地歸依世間大慈悲父

歸依十方盡虛空界一切諸佛

拜一

歸依十方盡虛空界一切尊法

拜一

歸依十方盡虛空界一切賢聖

拜一

願共諸衆生

往生安樂國

志心歸命禮

西方彌陀佛

又復歸依如是十方盡虛空界一切三

寶無量賢聖

拜一

今日道場同業大眾無量壽經云娑婆
世界共爭不急之事於此劇惡極苦之
中勤身營務以自給活無尊無卑無貧
無富少長男女共憂錢財有無同然憂
思適等併營愁苦思念積慮為心走使
無有安時心常念惡口常言惡身常行
惡曾無一善不信先聖諸佛經法不信

行道可得度世不信死後神明更生不
信作善得善為惡得惡心中閉塞意不
開解大命將終悔懼交至不預修善臨
終方悔悔之於後將何及乎如是世人
難可具盡故自然三塗無量苦惱展轉
其中世世累劫無有出期難得解脫痛
不可言是為五大惡五痛五燒勤苦如
是譬如大火焚燒人身汝今諸天人民
及後世人得佛經語當孰思之能於其

中端心正行齋戒清淨一日一夜勝在
無量壽國為善百歲所以者何彼佛國
土無為自然皆積衆善無毛髮之惡佛
言我哀愍汝等諸天人其甚於父母念
子今我於此世作佛降化五惡消除五
痛絕滅五燒宜各人人志誠遵奉相與
志心五體投地歸依世間大慈悲父
歸依十方盡虛空界一切諸佛
歸依十方盡虛空界一切尊法

拜一拜一

歸依十方盡虛空界一切賢聖

拜一

願共諸衆生 往生安樂國

志心歸命禮 西方彌陀佛

又復歸依如是十方盡虛空界一切三

寶無量賢聖

拜一

今日道場同業大衆前略明厭離娑婆
五痛五燒過患已竟次乃忻求極樂三
歸三寶志誠諦聽陀羅尼雜集經云爾
時世尊告諸比丘西方安樂世界今現

有佛號阿彌陀若有四衆能正受持彼
佛名號以此功德臨欲終時阿彌陀佛
即與大衆往此人所令其得見見已尋
生慶悅倍增功德以是因緣所生之處
永離胞胎穢欲之形純處鮮妙寶蓮花
中自然化生具大神通光明赫奕爾時
恒沙諸佛皆共讚彼安樂世界
下文偈略經廣例皆倣此

佛教於阿難 西方禮三寶

彼此遙見聞 無量壽經說

無量壽經云佛告阿難汝起更整衣服合掌恭敬禮無量壽佛十方國土諸佛如來常共稱揚讚歎彼佛無著無礙於是阿難起整衣服正身西向恭敬合掌五體投地禮無量壽佛曰言世尊願見彼佛安樂國土及諸菩薩聲聞之眾說是語已即時無量壽佛放大光明普照一切諸佛世界等爾時阿難即見無量壽佛威德巍巍如須彌山王高出一切諸世界上相好光明靡不照耀此會四眾一時悉見彼見此土亦復如是爾時佛告阿難及慈氏菩薩汝見彼國從地已上至淨居天其中所有微妙嚴淨自然之物為悉見不阿難對曰唯然已見汝寧復聞無量壽佛大音宣布一切世界化眾生不阿難對曰唯然已聞彼國人民乘百千由旬七寶宮殿無所障礙遍至十方供養諸佛汝等復見不對曰已見云云出服字

夫人韋提希 引導未來人

求生極樂國 十六觀經說

觀無量壽經云時韋提希見佛世尊自絕瓔珞舉身投地
號泣向佛白言世尊唯願世尊為我廣說無憂惱處我當
往生不樂閻浮提濁惡世也此濁惡世地獄餓鬼畜生盈
滿多不善聚願我未來不聞惡聲不見惡人今向世尊五
體投地求哀懺悔惟願佛日教我觀於清淨業處爾時世
尊放眉間光其光金色遍照十方無量世界還住佛頂化
為金臺如須彌山十方諸佛淨妙國土皆於中現或有國
土七寶合成復有國土純是蓮花復有國土如自在天宮
復有國土如玻璃鏡十方國土皆於中現有如是等無量
諸佛國土嚴顯可觀令韋提希見時韋提希白佛言世尊
是諸佛土雖復清淨皆有光明我今樂生極樂世界阿彌
陀佛所唯願世尊教我思惟教我止受時無量壽佛住立
空中觀音勢至侍立左右爾時韋提希見無量壽佛已接
足作禮白佛言世尊我今因佛神力故得見無量壽佛及
二菩薩及彼國土若佛滅後諸眾生等濁惡不善五苦所
逼云何當見阿彌陀佛極樂世界佛言善哉快問此事阿
難汝當受持廣為多眾宣說佛語如來今者教韋提希及
未來世一切眾生觀於西方極樂世界以佛力故當得見

彼清淨佛國如執明鏡自見面像彼國土極妙樂事心
 歡喜故應時即得無生法忍佛告韋提希汝是凡夫心想
 羸劣未得天眼不能遠觀諸佛如來有異方便令汝得見
 佛告韋提希汝及衆生應當專心繫念一處想於西方云
 何作想凡作想者一切衆生自非生盲有目之徒皆見日
 沒當起想念正坐西向諦觀於日令心堅住專想不移見
 日欲沒狀如懸鼓既見日已閉目開目皆令明了是為日
 想名曰初觀次作水觀地觀樹觀乃至下品第六觀廣
 如經說爾時世尊說是語時韋提希與五百侍女聞佛所
 說應時即見極樂世界廣長之相得見佛身及二菩薩心
 生歡喜歎未曾有豁然大悟逮無生法忍五百侍女發菩
 提心願生彼國世尊悉記皆當往生行此三昧者現身得
 見無量壽佛及二大士但聞佛名二菩薩名除無量劫生
 死之罪何况憶念若念佛者當知此人是人中芬陀利花
 觀音勢至為其勝友當
 坐道場生諸佛家出豈字號

造惡中夫人

念佛或供養

復增其壽命，決定王經說

大乘聖無量壽決定光明王如來經云佛告妙吉祥菩薩
言今此閻浮提世界中人壽命百歲於中多有造諸惡業
而復中天妙吉祥菩薩若有眾生得見此經功德殊勝及
聞名号如其短命之人志心書寫受持讀誦供養禮拜如
是之人復增壽命滿於百歲若能持念一百八遍如此短
命眾生復增壽命或但聞其名号志心信受遵崇之者是
人亦得增益壽命出刻字

恐怖縣官者念一菩薩名

解脫恐怖厄彌陀大經說

阿彌陀三耶三佛薩樓佛檀過度人道經云佛言世間人
民善男子善女人若有急難恐怖縣官事者但自歸命是
蓋樓巨菩薩摩訶那鉢菩薩
薩所無不得解脫者出服

昔有四億衆 願生無欲國

同時見淨土 斷結經中說

十住斷結經云爾時世尊放覺華定意三昧光明有四億衆見此瑞色各生患厭心自思惟夫生有死皆由因緣死此生彼牽連不斷染欲為源斯由貪愛我等願生無欲國土乃得修此覺意三昧是時世尊知來會者心中兩念而告之曰西方去此無數佛土有佛名無量壽其土清淨無姪怒癡悉同一心皆由蓮花中生不因父母情欲而生純是童男亦無女人無大小便以禪悅法樂為食無想念識共相敬念如父如母欲生彼者可發誓願時四億衆即於座上同心發願求生彼土爾時世尊即於覺意三昧光明照彼國土如來世尊及化生菩薩其國廣曠衆寶雜廁無三惡道八難之苦見彼國已此四億人隨其形壽皆得同時生彼國土

出能字

衆生念彌陀

菩薩常衛護

鬼神不得便。 往生經中說

禮懺儀十往生經云若有衆生念阿彌陀佛願往生者彼
佛即遣二五菩薩衛護行者若行若住若坐若臥若晝

若夜一切時一切處不令
惡鬼惡心得其便也

有善相童女 厭濁禮西方

佛力化為男 經律異相說

經律異相云佛在舍衛國時有長者女名善信年始十五
為人慈孝智慧連達少小常有願不樂世俗之事坐自
思念萬物無常當歸於死年壽萬載亦皆當死天地宮壤
何况人身死後魂神當入惡道酷毒勤苦獨當受之本從
何出忽有遺忘及婦愁憂或時歡喜有此無常之事不見
身時去至何所是董往來無休無息念我父母諸家无
兄弟親屬不知罪福貪欲無厭我年三五以許他男諸家
兄弟飯食酒肉受取死帛令我身當受惡難物質縛結

不可得離當如之何為此生老不板我今日清淨當發
上願求覓安隱長樂宮殿可以自娛不且染濁沒於三塗
不觀光明長與若具便正一心自誓持我身今自當有神
有靈知我心誠爾時天神現於虛空語我信言若高自歸
西方安隱清淨法園且當先向十方禮拜慈心發意念必
達也已便不現爾時善信踊躍歡喜便已深塔燒香散花
向十方禮慈手自思念一切以即有天神於虛空中言汝
當正心向於西方說與一願以是讚歎阿彌陀佛如袖所
勅爾時佛與大眾飛到善
信家於佛前化身為男

今日道場同業大眾相與志心五體投

地歸依世間大慈悲父

南無教主釋迦牟尼佛

南無西方阿彌陀佛

南無當來彌勒佛

南無維衛佛
南無式棄佛

南無隨葉佛
南無拘留秦佛

南無拘那含佛
南無迦葉佛

南無善德佛
南無無憂德佛

南無栴檀德佛
南無寶施佛

南無無量明佛
南無莖德佛

南無相德佛
南無三乘行佛

南無廣衆德佛
南無明德佛

南無金剛不壞佛
南無寶光佛

南無龍尊王佛

南無精進軍佛

南無精進喜佛

南無寶火佛

南無寶月光佛

南無現無愚佛

南無寶月佛

南無無垢佛

南無離垢佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

一拜

今日道場同業大眾願弟子

某甲

等從今

已去至坐道場厭離娑婆五痛五燒忻

求極樂三歸三寶隨願往生西方淨土

發願已歸命禮西方淨土一切三寶

禮念彌陀道場懺法卷第一

闍

音塔 而隴切

思過

音上 去遂

適

音釋

苟

音狗

夔

音達

僻

音擊切

疫

音役

癘

音例

不勝

音升舉也

嗜

音視

遽

音拱

悚

音息

其據切

迅

音信

航

音胡郎

緇

音之

抗

音航

墮

音杜回

悚

音息

悚

音拱

悚

魘

音魘

函

音胡感

滂

音徒感

舫

音放

培

音裴

豕

音螺

宏

音宏

宏

音宏

啻

音施智

侮

音武慢也

猶豫

音上余

迭

音徒結

劇

音奇

奕

音奕

奕

音奕

奕

音奕

亦唯

音然

然

音上以水

中天

音於兆

酷

音苦沃

酷

音苦沃

酷

音苦沃

酷

音苦沃

酷

音苦沃

禮念彌陀道場懺法卷第二

決疑生信第二

嗟夫衆生疑多學寡障重福輕如無開導之文豈能求生之法今則假施問答權設主賓為決疑情令生諦信耳

今日道場同業大衆前歸依西方三寶

已竟次乃決疑生信普為衆生無始至

今種種疑惑各各在心所以不肯求生

淨土縱欲求生不知法門多修雜善人

天有漏花報因果不出輪迴受其生死

苦惱無量為此四衆今於諸聖教中採

撫衆生種種疑惑一一釋之稱讚疏云
 因則唯修一日七日果則永得阿鞞跋
 致如是境界駭人耳目若佛在日或正
 法中衆生福勝信智深厚聞佛一說諦
 信無疑奈以像末法中有情福劣信智
 淺薄聞如是法便生疑謗故釋迦世尊
 說此經時即有十方十殞伽沙諸佛如
 來現大神變發誠諦言證我世尊所說
 非謬仍自今有無信之人聞修西方淨

土業者擻之為邪謗法之愆云何不怖
凡是三寶弟子應須諦信佛語如為臣
者必信王言若為子者必信父訓若其
不信豈得名為忠臣孝子若四衆等以
佛為師不信佛語便非佛子乃是魔民
如是之人深可怖畏而諸衆生所以不
能深信經語有此疑者皆由無明惑故
妄起顛倒因疑惑故墮三惡道悔何所
及大衆當依佛語如教修行不得疑惑

所有我等無始至今一切疑惑重罪業障若不懺除無由往生宜各人人如救頭然求哀禮懺速令清淨未作之罪不敢更作相與志心五體投地歸依世間大慈悲父

南無教主釋迦牟尼佛

南無世自在王佛 南無西方阿彌陀佛

南無十號伽河沙數俱脤佛

南無東方現在一切諸佛

南無不動佛
南無山幢佛

南無大山佛
南無山光佛

南無妙幢佛

如是等佛如殞伽河沙住在東方自佛

淨土各各示現廣長舌相遍覆三千大

千世界周匝圍遶說誠諦言汝等有情

皆應信受如是稱讚不可思議佛土功

德一切諸佛攝受法門

南無文殊師利菩薩
南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大衆宜加用心攝耳諦

聽疑障消除身心解脫願離三塗求生

九品過去生死劫石難量未來輪迴芥

城何盡惟願三心勵志十念成功此方

生緣既謝彼界妙境即現祥雲後捧淨

侶前迎剎那頃即得往生僧祇劫常居
安養今則決疑生信次第開陳問曰稱
讚疏云如何口念心思即得往生西方
淨土荅曰心則緣佛境界憶持不忘口
則稱佛名號分明不亂如是心口內外
相應若念一句阿彌陀佛能滅八十億
劫生死之罪成就八十億劫殊勝功德
一句尚爾何況十句百句千句萬句如
是一日一月一年一生行住坐卧晝夜

精勤何罪垢而不消亡何功德而不增
長何因不生極樂國何緣不見彌陀佛
譬如嬰兒或有所怖發聲號呼喚其父
母父母慈悲聞子喚聲諸事且置急來
救護今時五濁惡世衆生常被生老病
死三塗等苦之所逼切既覺知已即生
驚怖以真實心高聲稱念彼佛名號以
求救護阿彌陀佛有天耳通必定遠聞
有天眼通必定遠見有他心通必定遠

知佛之慈悲不同人間癡愛父母等視
衆生猶如一子決定親來垂慈接引所
以然者良以西方無量壽佛願方深重
常以光明名號攝化衆生我等佛子今
既與佛本願相應理必如是勿生疑慮
若諸衆生以志誠心一念十念一日七
日承佛願力皆得往生
今日道場同業大衆當起勇猛心殷重
心志誠心決定心不退轉心五體投地

歸依世間大慈悲父

南無教主釋迦牟尼佛

南無西方阿彌陀佛

南無當來彌勒佛

南無勇施佛

南無清淨佛

南無清淨施佛

南無娑留那佛

南無水天佛

南無堅德佛

南無栴檀功德佛

南無無量壽光佛

南無光德佛

南無無憂德佛

南無那羅延佛

南無功德華佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

問曰決疑集云但見性悟道便超生死
何須繫念彼佛求生他方耶答曰通昧
他心聖凡安測知非正遍授記應難真
修行人當自審察如人飲水冷暖自知

諸仁者當觀自己行解見性悟道受如
來記紹祖師位能如馬鳴龍樹不得無
礙辯才證法華三昧能如天台智者不
宗說皆通行解無備能如忠國師壽禪
不此諸大士皆明垂言教深勸往生蓋
是自利利他豈肯悞人自悞况大雄讚
歎金口叮嚀希從昔賢仰稟佛勅定不
謬悞又當自忖量臨命終時生死去住
定得自在不自無始來惡業重障定不

現前不此一報身定脫輪迴不天上人間十方世界隨意寄託定無滯礙不若也了了自信得及何善如之若其未然莫以一時貢高却致永劫沈墜自失善利將復尤誰嗚呼哀哉何嗟及矣古德云有為雖偽棄之則功行不成無為雖真趣之則聖果難尅刹那悟道要須長劫煉磨頓悟一心必假圓修萬行誠哉是言也今則末世悠悠之徒學寡疑多

妄肆臆說自悞悞人所謂可憐愍者

今日道場同業大眾相與志心五體投

地歸命世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無蓮花光遊戲神通佛

南無財功德佛 南無德念佛

南無善名功德佛 南無紅燄幢王佛

南無遊步功德佛 南無寶花遊步佛

南無寶蓮花善住娑羅樹王佛

南無鬪戰勝佛 南無善遊步佛

南無周匝莊嚴功德佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

問曰 十方皆淨土 云何獨指西

答曰

願強教主勝

諸經共讚推

十疑論第四云問曰等是念佛求生一佛淨土何不十方
佛土中隨念一佛何須偏念西方阿彌陀佛答曰凡夫無
智不敢自專專用佛語故偏念阿彌陀佛云何用佛語云
釋迦大師一代聖教處處唯勸衆生專心偏念阿彌陀佛
求生西方極樂世界如無量壽觀經等七十六種因緣殷
勤指授求生西方極樂世界其餘諸佛一切淨土雖一經
兩經略勸往生未若彌陀佛國處處經論勸令往生是故
偏念也如隨願往生經云普廣菩薩問佛十方悉有淨土
世尊何故偏讚西方彌陀淨土專遣往生佛告普廣閻浮
衆生心多濁亂為此偏讚西方一佛淨土使諸衆生專心
一境易得往生若總念一切佛者念佛境寬則心散漫三
昧難成故不得往生又求一佛功德與一切佛功德無異
以同一佛法性故為此念阿彌陀佛即念一切佛生一淨
土即生一切淨土故華嚴經云一切諸佛身即是一佛身
一心一智慧力無畏亦然又云譬如淨滿月普應一切水
影像雖無量本月未曾二如是無礙智成就等正覺應現

一切剎佛身無有二

問曰 自疑宿業重 十念功德微

答曰 千年萬株木 一火變成灰

十疑論第八問曰衆生無始以來造無量業今生一形不逢善知識又復作一切罪無惡不造云何臨終十念成就即得往生出過三界結業之事云何可通答曰衆生無始以來善惡業種多少強弱並不得知但能臨終遇善知識十念成就者皆是宿善業強始得遇善知識十念成就若惡業多者善知識尚不能逢何可論十念成就又汝以無始以來惡業為重十念為輕者今以道理三種校量輕重不定不在時節久近多少云何為三一者在心二者在緣三者決定在心者造罪之時從自虛妄顛倒生念佛者從善知識聞說阿彌陀佛真實功德名号生一虛一實豈得相比譬如萬年暗室日光暫至而暗頓滅豈以久來之暗不能滅耶在緣者造罪之時從虛妄癡暗心緣虛妄境

彌陀

九

界顛倒生念佛之心從聞佛清淨真實功德名号緣無上
 菩提心生一真牛偽豈得相比譬如有人被毒箭中箭深
 毒礮傷肌破骨一聞滅除藥鼓即箭出毒除豈以箭深毒
 礮而不肯出也在決定者造罪之時以有間心有後心也
 念佛之時以無間心無後心遂即捨命善心猛利是以即
 生譬如十圍之索千夫不制童子揮劍須臾兩分又如千
 年積柴一豆秋焚少時即盡又如有人一生已來修十善
 業應得生天臨終之時起一念邪見即墮阿鼻地獄惡業
 虛妄以猛利故尚能排一生之善業令墮惡道豈况臨終
 猛心念佛真實無間善業不能排無始惡業得生淨土無
 有是處又云一念念佛滅八十億劫生死之罪為念佛時
 心猛利故伏滅惡業決定得生不須疑也上古相傳判十
 念成就作別時意者此定不可又那先經云國王問那先
 沙門言人在世間作惡至百歲臨終時念佛死後得生佛
 國我不信是語那先答曰如持百枚大石置於船上因船
 故不沒人雖有本惡一時念佛不入泥犁中其小石沒者
 不置船上如人作惡不知念
 佛便入泥犁中又何疑也牛

問曰 具縛凡夫輩 焉能生彼池

答曰 自力經多劫 佛威頃刻時

十疑論第五問曰具縛凡夫惡業厚重一切煩惱一毫未斷西方淨土出過三界具縛凡夫云何得生答曰有二種緣一者自力二者他力故十住婆沙論云於此世界修道有二種一者難行道二者易行道難行道者在於五濁惡世於無量佛時求阿鞞跋致甚難可得此難無數塵沙說不可盡略述其五一者外道相似善亂菩薩法二者無賴惡人破他勝德三者顛倒善果能壞梵行四者聲聞自利障於大慈五者唯有自力無他力持譬如跛人步行一日不過數里極大辛苦謂自力也易行道者謂信佛語教修念佛三昧願生淨土乘阿彌陀願力攝持決定得生如人水路行藉船力故須臾即至千萬里謂他力也若言具縛凡夫不得生者同跛人義也論又云劣夫從輪王一日周行四天下非是自力輪王力也今則舉自心之信足登釋迦之教船展方便之輕帆安精進之正施從眾聖引迎之

路乘彌施願力之風逆念佛三昧之法流到極樂淨方之彼岸矣

問曰 天宫樂不少 何須堅勸西

答曰 五衰并十劣 不是久長時

慈恩通讚云問曰慈氏天宫快樂不少勝侶頗多何須堅勸往生西方答曰若論兜率即勝人間乃並西方全成微劣勝劣所異彼此各殊勸生西方捨劣求勝也勝劣有異者淨土十勝天宫十劣淨土十勝者一化主所居勝二所化命長勝三國非界繫勝四淨方無欲勝五女子不居勝六修行不退勝七淨方非穢勝八國土莊嚴勝九念佛攝情勝十十念往生勝天宫十劣者一所居國土劣二所化壽促劣三界繫攝屬劣四彼天有欲劣五男女雜居劣六修行有退劣七穢方非淨劣八國土莊嚴劣九善念攝情劣十修行勞苦劣又雖壽四千歲已命欲終時有五衰相現一則頭上華萎二則腋下汗出三則起坐不定四則氣力衰微諸天勉其眷屬五則多諸掉舉有斯十劣五衰所

以勸生彼國又問曰諸天妙樂壽劫長遠足得修行人中
積善亦自超越乃至於修羅龍鬼三塗惡趣正可拔苦利
生何必專務求生極樂耶答曰欲界諸天耽著妙樂醉於
欲酒視東忘西貪迷放逸者多發心修善者少福盡即墮
如箭射空色界諸天雖獨行無交而未盡形累無色界天
亦不出輪迴經中判為難地傳大士云饒經八萬劫終是
落空亡又楞嚴經說十種山類別得生理壽千萬歲休止
深山或大海島絕於人境報盡還來散入諸趣唯有淨土
一門侶聖賢於剎那超三界而
常樂故云國非界繫勝也出寂意

問曰

兜率祈生好

內院更無迴

答曰

誰如師子覺

外院尚耽迷

十疑論第七云問曰彌勒菩薩一生補處即得成佛上品
十善得生彼處是彌勒菩薩何須求生西方答曰求生兜
率理若相似若細比較大有優劣先論二種一者縱持十
善恐不得生何以得知彌勒上生經云行衆三昧深入正

受方始得生更無方便接引之義不如彌陀本願力光明
 力但有念佛衆生攝取不捨二者如釋迦佛在世之時大
 有衆生見佛不得聖果者如恒河沙彌勒出世亦爾大有
 不得聖果者未如彌陀淨土但生彼國已悉得無生法忍
 未有一人退落三界為生死業縛也又聞西國傳云有三
 菩薩修兜率一名無著二名世親三名師子覺約云先生
 兜率見彌勒者即來相報師子覺先亡數年無報次世親
 亡三年乃來報云天宮曰長我生兜率禮彌勒佛聽其說
 法即來相報已三年也問師子覺如何云生兜率外院戀
 著天樂即不曾見佛且以菩薩而修兜率猶有戀著不見
 佛者此輪迴根本是知兜率難修有墜非比西方易修無
 墜也又白蓮集先師讚毀疑第四云問曰慈恩法師千佛
 一數製上生經疏讚內院云生天宮有七易生淨土有十
 難聖師所說必不悞人未審如何和會答曰爾只知慈恩
 上生疏不知慈恩通讚疏彼通讚疏云淨土有十勝天宮
 有十劣却勸人求生淨土聖師製述豈自相違蓋為演教
 隨機各示方便此與世尊親說彌陀等經勸生西方又說
 上生經勸生內院意旨何異耶衆生機緣不同佛土攝受

亦異譬如有人生緣在南具舟欲往吳越治裝問程智者
 應酬所問豈可却讚陸地之便稱秦蜀之利哉如此則只
 增惑亂不成利益通方達士隨願知歸淺見狐疑強生矛
 楯所謂醍醐上味為世所珍遇斯等人翻成毒藥普勸後
 人勿以管見窺天蠡心測海疑謗佛土自結苦因深誠之
 哉深誠之哉又郎司空大師念佛三昧儀云興宗皇帝御
 書問曰西方極樂世界今世凡夫合求生不余忝對曰夫
 人居浮世如客寄旅亭設得盡百年亦如經一瞬根被六
 塵外空識遭三火內焚况無實樂可貪縱有虛華何戀是
 故西賢東哲繼武聯蹤孜孜厭處於塵寰念念忻趣於佛
 境或上祈慈氏願往天宮西禱彌陀求生淨土皆超凡之
 捷徑俱入聖之要門若就彼境以論則一處見異報化雙
 彰或約自心而辨則二義說殊易難兩具非此兜率定化
 定易非彼淨土定報定難謂兜率經中說有他方來會諸
 大菩薩住天冠中故若欲求生化兜率天則有七易若欲
 求生報兜率天則具多難以兜率天通報通化故求生者
 有易有難西方淨土亦有二種一化淨土經許凡夫二乘
 生故二報淨土論說女人二乘無故若欲求生報佛淨土

准上生經疏則有十難若欲求生化佛淨土准諸經說還

有十易一彌陀願重得生易如諸二極樂不逆得生易無量壽經三

十方諸佛攝受易稱讚淨四東方一佛助成易藥師本五二大

聖者來迎易無量壽經六八大菩薩引去易亦樂七奉行十願得生

易華嚴經八書寫一經得生易決定光九散善迴向得生易積寶

十少時念佛得生易觀經以極樂土通報通化故求生者有

易有難今我皇帝陛下生在人中獲居王位將今世果驗

前世因必已曾發大菩提心必已曾修大菩薩行雖境強

情逸時時應有於虧違而信逼志堅念念常思其善利且

年已曾分受菩薩戒今歲再曾全受近住戒兼常念八菩

薩亦恒持大悲心又於諸處廣作善利建寺印經齋僧作

福若直求生報佛淨土是則實難若祇求生西方化土願

見化身無量壽佛理甚相應不為越分以經疏說若受佛

戒經於一日乃至七日供佛筵僧起塔建寺書經造像念

八菩薩持大悲心迴向願生西方極樂世界一切皆得如

願往生已即得見無量壽佛及八菩薩於無上道更不

退轉更不復墮三惡道中其間苦惱一切並無富貴莊嚴

不可勝說唯須專信勤念勤持無得懷疑擬進擬退凡餘

例此知之

問曰

彌勒龍華會

逢期亦出離

答曰

五十六萬載

終是下生遲

念佛鏡問曰當來彌勒下生之時三會說法度諸眾生得
 阿羅漢果何以不願求生云何求生彌陀淨土答曰彌勒
 未下生來不可待得何以得知上生經中所說釋迦牟尼
 佛入涅槃後經五十六億七千萬年然始下生又下生經
 云海水減至三千由旬彌勒乃出准法王本記釋迦涅槃
 已來始有二千餘年全未擬來不可候待眾生命短恐沈
 苦海多劫受殃不值彌勒今阿彌陀佛現在說法
 住極樂世界廣度眾生歸依西方早證道果矣

今日道場同業大眾相與志心五體投

地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無普光佛 南無普明佛

南無普淨佛

南無多摩羅跋耨檀香佛

南無栴檀光佛 南無摩尼幢佛

南無歡喜藏摩尼寶積佛

南無一切世間樂見上大精進佛

南無摩尼幢燈光佛

南無慧炬照佛 南無海德光明佛

南無金剛牢強普散金光佛

南無大強精進勇猛佛

南無大悲光佛 南無慈力王佛

南無慈藏佛

南無栴檀窟莊嚴勝佛

南無賢善首佛 南無善意佛

南無廣莊嚴王佛 南無金剛華佛

南無寶蓋照空自在王佛

南無虛空寶華光佛

南無琉璃莊嚴王佛

南無普現色身光佛

南無不動智光佛

南無降伏諸魔王佛

南無才光明佛

南無智慧勝佛

南無彌勒仙光佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

一拜

問曰 厭苦生極樂 豈是有慈悲

答曰 欲得治他病 先須還自醫

十疑論第一云問曰諸佛菩薩以大悲為業若欲救度衆生祇應願生三界於五濁三塗中救苦衆生因何求生淨土自安其身捨離衆生則是無大慈悲專為自利墮菩薩道天台智者答曰菩薩有二種一者久修行菩薩道得無生忍者實當所責二者未得已還及初發心凡夫凡夫菩薩者要須常不離佛忍力成就方堪處三界內於惡世中救苦衆生故智度論云具縛凡夫有大悲心願生惡世救苦衆生者無有是處何以故惡世界煩惱強自無忍力心隨境轉聲色所縛自墮三塗焉能救衆生假令得生人中得作國王大臣富貴自在縱遇善知識不肯信用貪迷放逸廣造衆罪乘此惡業一入三塗經無量劫從地獄出受貧賤身若不逢善知識還墮地獄如此輪迴至於今日故維摩經云自疾不能救豈能救諸疾人又智度論云譬如二人各有親眷為水所溺一人情急直入水救為無方便

彼此俱沒一人有方便往取船筏乘之救接悉得脫水溺之難新發意菩薩亦復如是未得忍力不能救衆生為此常須近佛得無生忍已方能救衆生如得船者也

問曰 臨終佛現處 邪正如何知

答曰 天魔不敢現 是佛更休疑

白蓮集云問曰善境現時其事不定或邪或正臨終現時如何辨明苟若不識如何去取答曰念佛往生之人得諸佛護念故魔不敢現現者定是佛境故稱揚諸佛功德經云若有得聞無量壽如來名者一心信樂持誦念其人當得無量之福永當遠離三塗之厄臨命終時一心信樂念不忘捨阿彌陀佛將諸比丘往其人前魔終不能毀壞斯等正覺之心所以者何其佛世尊興立大悲擔度一切無量衆生亦復護持十方世界一切衆生

問曰 無量人將化 彌陀豈遍知

答曰 如月處虛空 處處蒙光輝

龍舒文云問曰修行精進者臨終之時佛與菩薩來迎且如十方世界有無量眾生精進焉能皆知期而往迎乎答曰佛身如月影現眾水水清而現故無前後去來故古人云大願聖人從淨土來來實無來深心凡夫往淨土去去實無去彼不來此此不往彼而凡聖會遇兩得交際彌陀光明如大圓月徧現十方水清而靜則月現全體月非趣水而遽來水濁而動則月無定光月非捨水而遽去在水則有清濁動靜在月則無取捨去來矣

問曰 西方十萬億 路遠恐難歸

答曰 夢魂遊萬里 何況仗佛威

十疑論第九云問曰西方去此十萬億佛刹凡夫劣弱云何可到答曰為對凡夫肉眼生死心量說耳西方去此十萬億佛刹但使眾生淨土業者臨終在定之心即是淨土受生之心動念即生淨土所以觀經云彌陀佛國去此

不遠又業力不可思議一念即生彼不須愁遠又如人夢身雖在牀而意識遍至他方一切世界如平生不異也生淨土亦爾動念即生不須疑也又彌陀鈔問曰觀經云西方不遠且西方去此十萬億佛刹今云不遠者何也答曰有二義一往生不遠觀經云如彈指頃即得往生彼國二相迎不遠經云臨命終時阿彌陀佛與諸聖眾現在其前又遠近相對信念即近不信即遠也

問曰 若負殺生債 寃業豈能離

答曰 往生成佛後 同度更無疑

龍舒文云問曰人平生為惡殺害眾生苦虐人民臨死念佛亦得往生其所殺所害之眾生懷冤枉之心何時而可解乎答曰生淨土得道之後皆能度脫一切怨親豈不勝怨怨相報彼此無出期者乎

問曰 臨終十念往 何假預修持

答曰 人生有壽夭 十橫恐難知

慈恩通讚云問曰臨終作善便得往生何假預前修諸勝業答曰人生壽夭難測短長或即病困昏迷或即非時奄逝既闕生前之善難逃後世之殃預作善緣恐防斯咎群疑論云十種命終不得念佛一則善友未必相遇二則或疾苦纏身不遑念佛三或偏風失語不得稱名四或在亂失心注想難尅五或俄逢水火不暇志誠六或輒遇豺狼無其善友七或臨終惡友壞彼信心八或飽食過多昏迷致命九或軍件鬪戰奄爾輪迴十或忽墮高巖傷中身命如此不得待臨終十念也

今日道場同業大眾相與志心五體投

地歸依世間大慈悲父

南無教主釋迦牟尼佛

南無西方阿彌陀佛
南無當來彌勒佛

南無世淨光佛

南無善寂月音妙尊智王佛

南無龍種上尊王佛
南無日月光佛

南無日月珠光佛
南無惠幡勝王佛

南無師子吼自在力王佛

南無妙音勝佛
南無常光幢佛

南無觀世燈佛
南無惠威燈王佛

南無法勝王佛
南無須彌光佛

南無須曼那華光佛

南無優曇鉢羅華殊勝佛

南無大慧力王佛

南無阿閼毗歡喜光佛

南無無量音聲王佛

南無山海慧自在通王佛

南無大通光佛
南無才光佛

南無金海光佛

南無一切法常滿王佛

南無寶海佛
南無寶英佛

南無寶成佛
南無寶光佛

南無寶幢幡佛
南無寶光明佛

南無阿閼佛
南無大光明佛

南無無量音佛
南無大名稱佛

南無得大安隱佛
南無正音聲佛

南無無限淨佛
南無月音佛

南無無限名稱佛
南無月光佛

南無無垢光佛
南無淨光佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

問曰 蓮苞住胎日 苦樂定難知

答曰 如在夜摩天 妙樂不思議

白蓮集云問曰未審花中受苦受樂耶答曰花中住處如切利天夜摩天所受快樂故寶積經第十八云譬如三十三天夜摩天等八百由旬或五百由旬宮殿之內遊戲歡樂我見極樂世界人住胎者如夜摩天處於宮殿

問曰 智者心是佛 愚人愛往西

答曰 根緣有利鈍 演教各隨機

寂照集云問曰六祖壇經云凡愚不了自性不識身中真
佛西方願東東方願西悟人在處一種誌公云智者知心
是佛愚人愛往西方若果是真正法門何故二大士排遣
答曰佛說法有隱顯教有權實人根有利鈍祖師有抑揚
譬如受疾不同處方還異今有病熱發黃方大狂亂有善
醫者必以寒藥治之豈可却讚乳石桂附有除寒起廢之
功耶有偏見人聞寒藥有治熱之功遂云乳石桂附永不
可用豈不謬哉祖師單傳心印誌公方讚大乘直指人心
見性成佛佛法雙亡不立文字當時人尚未信受豈可又
教人念佛求生也圓機達士固自無疑求法初心定生猶
豫但得意忘言融通
了解自無矛盾也

問曰 無想是泥洹 有想即為癡

答曰 誰留十六觀 佛語敢生疑

白蓮集云問曰般舟經云是我心作佛是我心見佛心有
想為癡無想是泥洹今起想想佛豈不為癡耶答曰機差
教別聖意難思遮表多門文旨非一或就理遮情隨有想
而皆非或簡境對治約行須明違順順即善淨之想違即
惡染之想若淨想想善則善境現若染想想惡則惡境現
故方等賢護經云惡欲想女夢見於女善欲想佛夢見於
佛今謂二想同名則善惡天隔不可聞想一緊厭之若苟
厭之則違佛謗法違佛則非為佛子謗法則入十方泥墮
可不慎乎况此觀行是三世諸佛淨業正因五
一切凡夫成聖元胎安得輕易而不遵哉

問曰 女人論中說 不許生蓮池

答曰 蓮池纔到者 轉女化男兒

白蓮集云問曰論云女人及根缺不生此云何通
答曰此界女人求者得生生彼國時轉為男子

問曰 亦有修行者 不樂見阿彌

答曰 宿無緣種故 障重有何疑

白蓮集云問曰亦有人不樂生極樂者何也答曰宿無緣種故執見分別故不樂也

問曰 設如不信敬 毀謗有何非

答曰 阻他求生者 多劫墮泥犁

大乘懺悔儀第三卷云問曰設爾不信有何過失答曰稱揚諸佛功德經云其有不信讚歎稱揚阿彌陀佛名号功德而毀謗者是人命終具足五劫墮阿鼻獄具受眾苦又

作穢鬼百千萬劫乃至畜生百千萬劫常為刀等之所害也出得又大彌陀經云其有人民男子女人聞阿彌陀佛聲

不信有者不信經語不信有比丘僧心生狐疑都無所信

者皆故從惡道中來生愚癡不解宿命殃惡未盡尚未當度脫故心中狐疑不信向耳又甘露疏云徵驗傳說大歷

寸 寸 寸 寸

年中衡州有一夫曰張瑗以謗毀故病而身爛每至日晚見金剛力士身長三丈許著大坵中受極苦惱經於數旬作牛吼聲舌墮而卒瑗有兄弟數人為喜其謗總皆身爛舌墮相次而終此類甚多不能具述經傳所說深可怖畏

今日道場同業大眾相與志心五體投地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無日光佛 南無無量寶佛

南無蓮花最尊佛 南無身尊佛

南無金光佛 南無梵自在王佛

南無金光明佛
南無金海佛

南無龍自在王佛

南無一切花香自在王佛

南無樹王佛

南無勇猛執持牢仗棄捨戰鬪佛

南無內豐珠光佛
南無無量香光佛

南無師子響佛

南無大強精進勇力佛

南無過去堅住佛
南無鼓音王佛

南無日月英佛
南無超出衆華佛

南無世燈明佛
南無休多易寧佛

南無寶輪佛
南無常滅度佛

南無淨覺佛
南無無量寶花明佛

南無須彌步佛
南無寶蓮花佛

南無一切衆寶普集佛

南無法輪衆寶普集豐盈佛

南無樹王豐長佛

南無圍遶特尊德淨佛

南無無垢光佛
南無日光佛

敬禮過去無數劫諸佛大師海德如來

敬禮無量無邊盡虛空界無生法身菩薩

無漏色身菩薩
發心菩薩
無邊身菩薩

敬禮興正法馬鳴菩薩

敬禮興像法龍樹菩薩

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大眾如上問答已經開
示疑障消除心意泰然已信之後更不
再疑從今已去至於往生願弟子某甲等
承是懺悔所生功德速生淨土同成佛
果受無盡樂

之夕

禮念彌陀道場懺法卷第二

引附 三十三

駭

侯楷切

勵

音例

跛

布火切

拖

徒可切

瞬

音舜

處三

上音杵 居止也

下准

奄

音掩

遑

音皇

豺

音柴

傷中

下

楮

食尹切

禮念彌陀道場懺法卷第三

引教比證第三

夫引教比證者集佛祖語要採諸子文章削去繁蕪撮其精粹一言捷徑便出輪迴六字法門直超生死依憑聖教

方免沈淪耳

淪耳

今日道場同業大眾前已決疑生信釋
然冰泮今復引教比證拂遣餘惑又復
無始以來至於今日積惡如恒沙造罪
滿大地捨身與受身不覺亦不知如是
種種罪垢因緣無量無邊今日發露願

乞除滅水懺略云先當興五種心以為
方便然後此罪乃可得滅何等為五
一者慚愧二者恐怖三者厭離四者怨親
平等五者觀罪性空第一慚愧者自思
我與釋迦如來同為凡夫而今世尊成
佛以來已經爾所塵沙劫數我等相與
耽染六塵輪迴生死無有出期此實世
間可慚可愧第二恐怖者既是凡夫身
口意業常與罪相應以是因緣命終之

後當墮地獄畜生餓鬼三塗惡道受無
量苦如是實為可恐可怖第三厭離者
相與常觀生死之中猶如車輪生老病
死八苦交煎無時暫息此身衆苦所集
一切皆是不淨何有智者當樂此身生
死既有種種惡法甚可厭離第四怨親
平等者於一切衆生起慈悲心無彼我
想何以爾者若見怨異於親即是分別
以分別故起諸憎愛因違順緣造諸惡

業惡業成熟故得苦果他以怨來已須
親應於含毒者報之以恩應作是觀我
昔惱君若今怒我我之宿罪縱使殺身
亦合甘心而况怒耶假饒前世無罪今
輒怨憎橫見欺陵應當思忖彼有智耶
彼無智耶彼有智者欲令成就忍波羅
蜜是我恩師云何遭遇但應仰報豈敢
懷違若無智者乃是悲田如母聞子返
罵之時母轉歡心但更撫摩曾無愠色

慙其麤小唯與深恩具今亦如斯彼盖煩
惱內攻迷魔密使性未狂歇力不自由
以此悲心但垂拔救豈合念咎思以為
讎若起違心與癡何異人欲強者推以
為強人欲高者推以為高豈有違順憎
愛於其間哉怨親平等矣第五觀罪性
空者無有體相從因緣生顛倒而有既
從因緣而生則從因緣而滅從因緣而
生者狎近惡友造作不善從因緣而滅

者即是今日洗心懺悔是故經言此罪
性不在內不在外不在中間故知此罪
本從空生六根本淨四大元空物我皆
亡將何為苦欲除妄本須見靈源故了
性空是真滅罪

今日道場同業大眾從於今日乃至往
生去觀罪性空悉無障礙相與志心等一
痛切五體投地歸依世間大慈悲父
南無教主釋迦牟尼佛

南無世自在王佛
南無西方阿彌陀佛

南無二十五俱胝佛

南無南方現在一切諸佛

南無日月光佛
南無名稱光佛

南無大光蓋佛
南無迷盧光佛

南無無邊精進佛

如是等佛如苑伽沙住在南方廣舌稱

讚佛土功德攝受法門

南無文殊師利菩薩
南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

拜一

今日道場同業大眾各各志誠善攝心
聽古今佛祖勸修西方無盡法門

釋迦教主

偏讚法門

今日道場同業大眾賢護經云假使有
人以七寶滿十方微塵數三千大千世

界以用布施復以衣服飲食四事供養
一切衆生皆今得至阿羅漢果其福多
不賢護白言世尊其福甚多佛告賢護
不如有人勸令稱念一聲阿彌陀佛功
德即過於彼勸他既爾何況自念一聲
尚爾何況多耶又陀羅尼集經云若四
部衆將持七寶滿世界中布施十方一
切諸佛不如有人以一錢一香一花好
心供養阿彌陀佛作此功德者一切諸

佛及諸菩薩金剛天等皆悉歡喜死生
阿彌陀佛國若人然燈供養阿彌陀佛
命終生彼佛國即得天眼徹見十方一
切世界陀羅尼集經云若轉輪王十萬
歲中滿四天下七寶布施十方諸佛不
如有人一彈指頃坐禪以平等心憐愍
一切衆生念阿彌陀佛功德死生彼國
救阿難焰口陀羅尼經云諸佛子等若
聞阿彌陀如來名號能令汝等往生西

方極樂淨土蓮花化生得不退地藥師
經云若淨信男女有能受持八分齋戒
或經一年或經三月以此善根願生西
方極樂世界有未定者若能聞我藥師
瑠璃光如來名號臨命終時有八菩薩
乘神通來示其道路即於西方極樂世
界寶蓮花中自然化生
今日道場同業大眾相與志心五體投
地歸依世間大慈悲父

南無教主釋迦牟尼佛

南無西方阿彌陀佛
南無當來彌勒佛

南無梵天佛

南無不退轉輪成首佛

南無大興光王佛
南無法種尊佛

南無日月燈明佛
南無須彌佛

南無大須彌佛
南無超出須彌佛

南無香像佛
南無圍遶香勳佛

南無淨光佛
南無香自在王佛

南無大集佛 南無香光明佛

南無大光佛 南無無量光明佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

南無佛陀 南無達摩 南無僧伽

又復歸依如是西方盡虛空界一切三

寶無量賢聖

一拜

馬鳴論主

起信法門

大乘起信論云如修多羅說若人專念
西方極樂世界阿彌陀佛所修善根迴
向願求生彼世界即得往生常見佛故
終無有退若觀彼佛真如法身常勤修
習畢竟得生住正定故

之

今日道場同業大眾相與志心五體投
地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無開光明佛
南無月燈光佛

南無月光佛
南無日月光明佛

南無火光明佛
南無集音佛

南無最威儀佛
南無光明尊佛

南無蓮花軍佛
南無蓮花響佛

南無多寶佛
南無師子吼佛

南無師子音佛
南無精進軍佛

南無金剛踊躍佛

南無度一切禪絕衆疑佛

南無寶大侍從佛 南無無憂佛

南無地力持勇佛 南無最踊躍佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

拜一

坦淵記主 甘露法門

甘露疏記第一云念佛求生淨土者與

初心又汎修餘善者優劣不同汎修餘善者唯依自力要經多劫修行不退方獲聖果則甚為難念佛求生淨土者依阿彌陀佛願力攝持不捨則少有退墮甚為易也譬如二人皆欲渡海往詣寶山一人則種植樹木待以為舩欲使樹成甚為久遠多諸障難不能得渡自力汎修餘善者亦復如是又一人則於海岸上遇大商主有大舩船以柔軟語告大商

主憐愍聽許即時登船不歷久遠得至
寶所依阿彌陀願力攝持念佛求生淨
土者亦復如是又云從昔無量劫來常
受苦惱一一衆生一劫之中所積身骨
如王舍城毗富樓山所飲乳汁如四大
海水身所出血多四大海水父母等命
終哭泣所出目淚多四海水沈生曠劫
不遇覺王且佛出中天舍衛三億人不
見不聞震旦一方不知不覺三塗八難

障重難逢諸佛希出世處難無緣值雖
生不值佛而慶遇此經

慈覺長老 語錄法門

勸化文云蓋以初心入道忍力未淳須託淨緣以為增上
何則娑婆國土釋迦已滅彌勒未生極樂世界阿彌陀佛
現在說法娑婆國土觀音勢至徒仰嘉名極樂世界彼二
上人親為勝友娑婆國土諸魔竟作惱亂行人極樂世界
大光明中決無魔事娑婆國土邪聲雜亂女色妖媼極樂
世界水鳥樹林咸宣妙法正報清淨無實女人然則修行
緣具無若西方淺信之人橫生疑謗竊嘗論之此方之人
無不厭俗舍之喧煩慕蘭若之寂靜故有捨家出家則殷
勤讚歎而娑婆衆苦何止俗舍之喧煩極樂優游豈直蘭
若之寂靜知出家為美而不願往生其惑一也萬里辛勤
遠求知識者蓋以發明大事決擇死生而彌陀世尊色心
業勝願力弘深一演圓音無不明契願衆知識而不欲見

佛其惑二也叢林廣衆皆樂棲遲少衆道場不欲依附而
極樂世界一生補處其數甚多諸上善人俱會一處既欲
親近叢林而不慕清淨海衆其惑三也此方之人上壽不
過百歲而童癡老耄疾病相仍昏沉睡眠常居太半菩薩
猶昏隔陰聲聞尚昧出胎則尺璧寸陰十喪其九而未登
不退可謂寒心西方之人壽命無量一託蓮苞更無死苦
相續無間直至菩提所以便獲阿惟越致佛階決定可期
流轉娑婆從景迷於淨土長年其惑四也若乃位居不退
果證無生在欲無欲居塵不塵方能興無緣慈運同體悲
迴入塵勞和光五濁其有淺聞單慧或與少善相應便為
洵出四流高超十地抵訶淨土耽戀娑婆雖目歸空宛然
流浪並肩牛馬接武泥犁不知自是何人擬比大權菩薩
其惑五也故經云應當發願願生彼國則不信諸佛誠言
不願往生淨土豈不甚迷哉古德云念佛一門有七種勝
一詞少易行勝二念緣佛境勝三離難獲安勝四稱名滅
罪勝五持念獲福勝六果感見佛勝七親迎往生勝彌陀
十勝一能滿所求勝二親迎往生勝三蒙光超世勝四聞
名得法勝五聞名轉質勝六聞名修敬勝七聞名證果勝

八聞名受生勝九聞名具德勝十聞名不退勝淨土十勝
一、生值三寶勝二速得勝法勝三生得身相勝四無惡唯
善勝五無苦純樂勝六不須隨念勝七壽命長遠勝八修
行不退勝九國非界繫勝十國土莊嚴勝往來十勝一經
說易生勝二時但少修勝三聖眾護念勝四光明攝受勝
五乘佛願力勝六化主親迎勝七諸佛證明勝八能滅眾
罪勝九眾經共讚勝十法滅獨行勝又往生十易一信解
發心得生易二隨修少善得生易三凡修一觀得生易四
慈光顧攝得生易五諸教讚勸得生易六諸佛讚勸得生
易七眾聖加護得生易八二聖化攝得生易九念滅眾罪
得生易十臨終
聖迎得生易

今日道場同業大眾如上所說佛祖大
慈悲心垂語勸生念佛法門我等應當
相與志心五體投地歸依世間大慈悲

父

南無教主釋迦牟尼佛

南無西方阿彌陀佛
南無當來彌勒佛

南無自在王佛
南無無量音佛

南無定光明佛
南無寶光明佛

南無寶蓋照空佛
南無妙寶佛

南無諦幢佛
南無梵幢佛

南無阿彌陀佛
南無殊勝佛

南無集音佛
南無金剛步精進佛

南無自在王神通佛 南無寶火佛

南無淨月幢稱光明佛

南無妙樂佛 南無無量幢幡佛

南無無量幡佛 南無大光普遍佛

南無寶幢佛 南無淨光佛

南無寶王佛 南無樹根華王佛

南無維衛莊嚴佛 南無開化菩薩佛

南無見無恐懼佛 南無一乘度佛

南無德內豐嚴王佛

南無金剛堅強消伏壞散佛

南無寶火佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

香山居士 誓願法門

白蓮集云香山居士白居易字樂天作畫西方幀記誓願云弟子居易焚香稽首跪於佛前起慈悲心發弘誓願

此功德迴施一切衆生有如我老者如我病者願皆離苦
得樂斷惡修善不越南部便覩西方白毫大光應念來感
青蓮上品隨願往生從現在身盡未來際常
得親近而供養也欲重宣此願而偈讚云

極樂世界清淨土無諸惡道及衆苦
願如老身病苦者同生無量壽佛所

唐李太白 讚序法門

白蓮集云唐李白字太白作金泥畫西方淨土變相并序
云我佛金天之西日沒之所去中華十萬億刹有極樂世
界焉彼國之佛身長六十萬億由旬眉間白毫向右宛轉
如五須彌山目光清白若四海水端坐說法湛然長存召
明金沙岸列珍樹羅網彌覆欄楯周張碑磔瑠璃為樓殿
之飾玻璃瑪瑙耀階砌之榮皆諸佛所證無虛言者若已
發願未及發願若已當生未及當生精念
七日必生其國功德固極灼然難名讚曰
向西日沒處遙瞻大悲願卷目淨四海水身光紫金山
勤念必往生是故稱極樂珠網珍寶樹天花散香閣

又

又

圖畫了在眼願託彼道場以此功德海冥佑為舟梁
八十億劫罪如風掃輕霜庶觀無量壽長觀玉毫光

東坡居士 偈頌法門

白蓮集云東坡居士蘇軾字子瞻讚阿彌陀頌曰
佛以大圓覺又充塞恒沙界我以顛倒想又出沒生死中

云何以一念又得往生淨土我造無始業本從一念生
既從一念生天還從一念滅生滅滅盡處則我與佛同

如投水海中如風中鼓橐雖有大聖智亦不能分別
願我先父母與一切衆生又在處為西方所遇皆極樂

人人無量壽
無往亦無來去正

楊無為子 序讚法門

决疑集無為子楊傑字次公作序云華嚴解脫長者云知
一切佛猶如影像自心如水彼諸如來不來至此我不往

彼我若欲見安樂世界阿彌陀如來隨意即見是知衆生
注念定見彌陀彌陀來迎極樂不遠乃稱性實言非權教

小
夏
夕

也淨土無欲非欲界也其國地居非色界也生有形相非
無色界也一切衆生未寤正覺處大夢中六道升沈未嘗
休止諸天雖樂報盡相衰修羅方曠戰爭玄勝傍生飛走
噉食相殘鬼神幽陰飢渴困逼地獄長夜痛苦號呼得生
人趣固已為幸然而生老病死衆苦縈纏唯是淨方更無
諸苦蓮苞託質無生苦也寒暑不遷無老苦也壽命無量
無死苦也無父母妻子無愛別離也上善人聚無怨憎會
也華裓香食珍寶受用無求不得無窮苦也觀照空寂無
蘊苦也悲惠有情欲生則生不住寂滅非二乘也智照生
死則不退轉非凡夫也若生彼土則無諸惱不聞知者固
可哀憐亦有善士發三種不信心不求生者尤可嗟惜一
曰吾當超佛越祖淨土不足生也二曰處處皆淨土西方
不必生也三曰極樂聖域我輩凡夫不能生也夫行海無
盡普賢願見彌陀佛國雖空維摩常修淨土十方如來有
廣舌之讚十方菩薩有同往之心試自忖量孰與諸聖謂
不足生者何自欺哉至如龍猛祖師也楞伽經有預記之
文天親教宗也無量論有求生之偈彼皆上哲精進往生
謂不必生者何自慢哉火車可滅舟石不沈現華報者觀

甚於張道十念而超勝處入地獄者莫速於雄俊再甦而
 證妙因世人憊尤未必若此謂不能生者何自弃哉般舟
 三昧經云跋陀和菩薩請問釋迦佛未來衆生云何得見
 十方諸佛佛教令念阿彌陀佛即見十方一切諸佛又大
 寶積經云若他方衆生聞無量壽如來名号乃至能發一
 念淨信歡喜愛樂所有善根迴向願生無量壽國者隨願
 皆生得不退轉此皆佛言也不信佛言何言可信不生淨
 土何土可生自欺自謾自弃已靈流入輪迴是誰之咎

今日道場同業大衆相與志心五體投

地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無寶月光明佛 南無賢最佛

南無寶蓮花步佛

南無壞魔羅網獨步佛

南無師子吼力佛 南無悲精進佛

南無金寶光明佛 南無無量尊豐佛

南無無量尊離垢王佛

南無德首佛

南無無數精進興豐佛

南無無言勝佛 南無無愚豐佛

南無月英豐佛 南無無異光豐佛

南無通空光明佛

南無最清淨無量幢佛

南無好諦住唯王佛

南無成就一切諸刹豐佛

南無淨慧德豐佛
南無淨輪幢佛

南無琉璃光最豐佛
南無寶德步佛

南無最清淨德寶佛
南無度寶光明塔佛

南無無量慚愧金最豐佛

南無文殊師利菩薩
南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

拜一

孝祥狀元 序引法門

狀元張待制作龍舒淨土文序云阿彌陀佛如來以大願力攝受群品繫念甚簡證果甚速或者疑之余嘗為之言阿彌陀佛即汝性是極樂國土即汝心是眾生背覺合塵淪於七趣立我與佛天地懸隔佛為是故慈悲方便開示悟入現諸無量如幻三昧莊嚴其國備極華好復以辯智而為演說令諸眾生歡喜愛樂於日用中能發一念念彼如來欲生其國即此一念清淨堅固還性所有與佛無異當念是時不起於坐阿彌陀佛極樂國土皆悉現前如是

修習乃至純熟幻身壞時此性不壞金蓮花臺由性種生
往生其中如歸吾廬諸佛菩薩即我眷屬性無異故自相
親愛友人龍舒王虛中端靜簡潔博通群書訓傳六經諸
子數十萬言一旦捐之曰是皆業習非究竟法吾其惟西
方之歸自是精進唯佛是念年且六十布衣蔬茹重趺千
里以是教人風雨寒暑弗遑暇恤間居日課千拜夜分乃
寢面目奕奕有光望之者言其為有道之士也紹興立巳
秋過家君於宣城留兩月始見其淨土文凡修習法門與
感驗章著具有顛末將求信道者鋟木傳焉委余序其書
故為之題其端云虛中名日休十月旦歷陽張孝祥序

龍舒虛中 淨土法門

店邸雨具 勸預求生

龍舒淨土文略云譬如入大城中必先覓安下處却出幹
事抵暮昏黑則有投宿之地先覓安下處者修淨土之謂
也抵暮昏黑者大限到來之謂也有投宿之地生蓮花中
不落惡趣之謂也又如春月遠行先備雨具驟雨忽至則

無淋漓狼狽之患先備雨具者修淨土之謂也驟雨忽至者大命將盡之謂也無淋漓狼狽之患者不至沈淪惡趣受諸苦惱之謂也且先覓安下處者不害其幹事先備雨具者不害其行遠塗是修淨土者皆不妨一切世務人何為而不修乎予一相識平生多殺魚之罪晚年得疾有似中風予憐其罪惡疾苦乃往見之勸念彌陀堅不肯念但與予說雜話豈非為惡業所障疾病所昏已不能迴心念善閉眼之後將奈之何故修此者宜急早迴首也世間晝必有夜寒必有暑人所共知不可隱者若曰生必有死人乃諱之不肯說出何大蔽也蓋不知所謂我者初不曾死唯業緣盡而去耳故不可不修淨土以求蓮花中生而受清虛之身無極之壽以脫一切生死苦惱也

佛示阿難 勸凡求生

龍舒云狀阿彌陀經釋迦佛一日容顏異常侍者阿難恠而問之佛言善哉所問者勝於供養一天下聲聞緣覺及布施諸天人民以至蚘飛蠅動之類雖至累劫猶百千萬倍不可以及所以者何以諸天帝王人民乃至蚘飛蠅動

之類皆因汝所問而得度脫之道以此觀之是釋迦佛初
欲說阿彌陀佛之時其存於心而形於色者已異於平日
則阿彌陀佛所以感諸佛者固以非常况於感一切衆生
者乎及阿難問而告之則為諸天帝王人民以至蚘飛蠅
動之類皆因汝所問而得度脫之道是上自諸天下至蚘
動皆同在三界之內故不出輪迴是以未為得度脫者阿
彌陀大願力無所不度故皆度脫之也觀其初發願偈云
我至成佛時名聲超十方人天所得聞俱來生我刹地獄
鬼畜生亦生我刹中是則凡在三界六道輪迴之內者無
所不度是以此經云阿彌陀佛現在西方極樂世界又在
十方世界教化無央數諸天人民以至蚘飛蠅動之類莫
不得過度解脫者蚘飛謂微細飛蟲也蠅動謂微細蛆蟲
也若此者佛尚化度况於人乎是其所以廣度衆
生無有窮極而人一念歸依遂生其國無足疑也

現未俱益

勸俗求生

淨土之說多見於日用之間而其餘功乃見於身後不知
者止以為身後之事而已殊不知大有益於生前也何則

佛之所以訓人者無非善與儒教之所以訓人何以異哉
唯其名有不同耳故其以淨土為心則見於日用之間者
意之所念口之所言身之所為無適而非善善則為君子
為大賢現世則人敬之神佑之福祿可增壽命可延由是
言之則從佛之言而以淨土為心者孰謂無益於生前乎
其次為業緣所奪而不能專心志於此苟有志焉者亦惡
緣自此而省善緣可以自此而增惡緣省而不已終必至
於絕其惡善緣增而不已終必至於絕乎善惡既絕矣善
既純矣非為君子而何非為大賢而何由是言之則從佛
之言而以淨土為心者孰謂無益於生前乎又其次不知
禮義之所在不知刑罰之可畏唯氣力之為尚唯勢利之
為趨苟知以淨土為心則亦必知省已而自咎所謂雖不
能皆合於禮義亦必近於禮義矣雖不能盡超乎刑罰亦
必遠於刑罰矣漸可以脫小人之域而終為君子之歸庸
人稍知佛理者世人目為善人此其効也由是言之則從
佛之言而以淨土為心者孰謂無益於生前乎或曰從孔
子之言而以儒教為心豈不益於生前何必淨土哉曰此
世間法耳非出世間法世間法則不出於輪迴出世間法

則直脫輪迴之外淨土既益於生前亦益於身後者以其無出世間法故也

因少果多 勸眾求生

修持法門有九品人人皆可以修雖罪惡之人佛亦不棄迴心向善則為善矣故此十念法門人皆可以通行譬如久為暗室一燈照之則明矣故雖殺牛屠馬之人放下屠刀亦可以修者不難亦不妨一切俗事故在官不妨職業在士不妨修讀在商賈不妨販賣在農人不妨耕種在公門不妨幹事在僧不妨禪誦凡一切所為皆不相妨故曰其修持功夫見於早晨一茶之頃耳遂可以為萬萬劫不壞之資人何為而不修乎今有販物者一錢而得兩錢之息則必自喜以為得息之多矣行路者一日而及兩日之程亦必自喜以為及程之多矣是於外物小有所得而知其喜也或兩錢而得一錢之價必憂之以為喪本兩日而及一日之程亦必憂之以為費日是於外物小有所失而不知其憂也何於吾身之光陰有限則汨沒以過其失大矣而不以為憂於淨土之因緣難遇幸而知之其得大矣而

三

十八

又

三

考

不以為喜是徒見小得失而知其憂喜及得失之大者則不能知何不思之甚也况不費時刻用力甚少而收功有不可盡言者何為而不修乎此而不修可痛惜哉可痛惜哉

比較優劣 勸迷求生

人驟聞淨土之景像多不信之無足怪也蓋拘於目前所見遂可謂目前所不見者亦如此而已且如陋巷糞壤之居者安知有廣廈之清淨小器藜藿之食者安知有食前之方丈弊篋錙銖之蓄者安知有天府之充溢故處娑婆濁世不信有清淨佛上所以生長於胞胎不知彼有蓮花之化生壽不過百年不知彼有河沙之壽數衣食必由於營作不知彼有自然之衣食快樂常雜於憂惱不知彼有純一之快樂然則佛之所言不可以目前所不見而不信也况佛切誡人以妄語必不自妄語以誑人世妄語者非以規利則避害佛無所求於世何規利之有佛視生死如刀斫虛空何避害之有是佛無所用其妄語也世間中人已上者猶不肯妄語以喪其行止况佛乎其言可信無

也足疑

雙明十戒

勸儒求生

儒者或以釋氏之徒無戒行故輕其教而因以不信淨土
 是不然豈可以道上不肖而輕老子士人不肖而輕孔子
 智者尚不以人廢言况可以其徒而輕其教乎釋氏之教
 有世間法有出世間法其世間法與吾儒同者不可以縷
 數姑舉其大者言之釋氏所以教訓世人者無非誠惡
 勸善而吾儒何嘗不誠惡勸善哉且以目前言之佛以殺
 生偷盜邪淫為身三業而孔子言勝殘去殺詩人文王
 德及鳥獸昆蟲是豈不誠殺哉盜固不在所言矣孔子言
 吾未見好德如好色者詩人刺不好德而悅美色是豈不
 誠邪淫哉佛以妄言綺語兩舌惡口為口四業孔子謂人
 而無信不知其可豈不誠妄言也謂巧言令色鮮矣仁豈
 不誠綺語也書稱爾無面從退有後言豈不誠兩舌也惡
 口謂之惡怒之聲尚未至於穢語荀子謂傷人之言深於
 矛戟是未嘗不誠惡怒之口也佛又以貪嗔癡為意三業

孔子謂見得思義是則誠貪矣謂伯夷叔齊不念舊惡是則誠嗔矣謂困而不學民斯為下是則誠癡矣由此言之儒釋未嘗不同也其不同者唯儒家止於世間法釋氏又有出世間法儒家止於世間法故獨言一世而歸之於天釋氏又有出世間法故知累世而見衆生業緣之本末此其所不同耳欲知釋氏之所長須看楞嚴楞伽圓覺無蓋障菩薩所問經及曉金剛經之理未能如是而遂非之則孔子所謂不知而作之者可不誠哉誠如是則釋氏為可信矣其言淨土烏可以不信哉所謂出世間法淨土尤其要者不可以不勉也

勤修須斷

勸執求生

世有專於執著者云唯心淨土豈復更有淨土自性彌陀不必更見彌陀此言似之而非也何則西方淨土有理有迹論其理則能淨其心故一切皆淨誠為唯心淨土矣論其迹則實有極樂世界佛叮嚀詳復言之豈妄語哉人人可以成佛所謂自性彌陀者固不妄矣然卒未能至此譬如良材可以雕刻物象極其華麗必加以雕刻之功然後

能成不可遷指良材而遂謂物象之華麗也是所謂唯心
 淨土而無復更有淨土自性彌陀不必更見彌陀者非也
 又或信有淨土而泥唯心之說乃謂西方不足生者皆失
 之矣何則此言甚高且恐不易到古人云見道方修道又
 云單輪不運隻翼不飛又解行相應名之曰祖圭峰云佛
 本是而勤修惑元無而須斷祖師云若有纖毫習漏不盡
 未免啣鐵負鞍償他去在然吾心可以為淨土而卒未能
 為淨土吾性可以為阿彌而卒未能為阿彌烏得忽淨土
 而不修捨阿彌而不欲見乎大阿彌陀經云十方有無量
 菩薩往生阿彌陀國彼菩薩尚欲往生我何人哉不欲生
 彼是果勝於諸菩薩乎

今日道場同業大眾自白居易至王虛

中先世名儒皆有讚歎西方法門我輩

應當相與志心五體投地歸依世間大

慈悲父

身

南無教主釋迦牟尼佛

南無西方阿彌陀佛
南無當來彌勒佛

南無蓮花尊豐佛
南無淨寶興豐佛

南無電燈幡王佛
南無法空燈佛

南無一切衆德成佛
南無賢幡幢王佛

南無一切寶緻色持佛

南無斷疑拔欲除冥佛

南無意無恐懼威毛不豎佛

南無師子佛
南無名稱遠聞佛

南無法名號佛
南無奉法佛

南無法幢佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大衆色身難保赴康健

時辨此大事應常作念云吾曹自無始
以來輪迴六道不曾知此法門故不得
出離今日知之豈可不即時下手年高
者固當勉力年少者不可因循三教同
修九流共往命終往生極樂世界迴視
死入陰府受恐怖者不可同年而語矣
以大慈悲救護六道一切衆生從今已
去至於往生願弟子某甲等承是懺悔貪
嗔癡等一切煩惱深識三界猶如牢獄

四大毒蛇五陰怨賊拔疑惑根斷無明
源正向涅槃不休不息十波羅蜜常得
現前懺悔已志心敬禮常住三寶

禮念彌陀道場懺法卷第三

粹

雖遂切

泮

音判

愠

於問切

八分

上下

舶

音白

耄

音冒

抵

底音

滴

音摘

軾

音式

橐

音託

穢

古德切

馗

音達

廬

音問

茹

音汝

恤

音戌

奕

音亦

鋟

音侵

邸

音底

幹

古案切

驟

音鋤

漓

音呂

狽

音貝

蛭

音淵

蟻

音軟

壤

如兩切

鎗

音之

銖

音殊

攷

音茲

戟

居逆切

禮念彌陀道場懺法卷第四

往生傳錄第四

夫往生傳錄者伏為三災劫近五濁時臨入地獄者如牛
毛生蓮池者若麟角是以釋迦調御遺聖教於閻浮彌陀
世尊度眾生於末法故得慈光顧攝佛力難思有願必迎
無機不被我等宿生何幸得遇斯門欲報佛恩輒集懺法
援引往生事迹非敢攻乎異端依憑傳記明
文寔謂述而不作欲知安養路先看往生人

今日道場同業大眾前已引教比證次

明往生傳錄是以博采教典該括古今

開釋疑情迤超信地若登彼岸舟固可

忘來者問津斯言勿忽無輒悔墮悞認

疑城欲求往生先應禮懺救拔我等無

始至今罪障消滅相與志心等一痛切

五體投地歸依世間大慈悲父

卷之二

南無教主釋迦牟尼佛

南無世自在王佛 南無西方阿彌陀佛

南無三十六俱胝佛

南無西方現在一切諸佛

南無無量壽佛 南無無量蓋佛

南無無量光佛 南無無量幢佛

南無大自在佛 南無大光佛

南無光燄佛 南無大寶幢佛

南無放光佛

如是等佛如旃伽沙住在西方廣長舌

讚佛上功德攝受法門

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大眾善攝心耳一一諦
聽定意散心作觀念佛一日七朝一聲
十念依經修持見聞隨喜盡得往生極
樂世界各如本傳

廬山遠公

結社往生

梁高僧傳第六云東晉僧慧遠法師鴈門人居廬山與劉
遺民等僧俗百二十三人結為蓮社以修淨土謂他日生
蓮花中也遺民著文讚頌感一仙人乘雲聽法空中或奏
清唄聲御長風法師澄心觀想初十年三覩聖相而遠公
沈厚不言後七月遠又見阿彌陀佛身滿虛空圓光之中
有諸化佛觀音勢至侍立左右又見水流光明分十四支

一一支水流注上下自然演說苦空無常無我妙法如十
六觀經所說佛告遠曰我以本願力故殊安慰汝後七日
當生我國見僧佛馱耶舍及慧持曇順住佛之側向前揖
遠曰法師之志在吾先何來之遲也遠自見分明乃與其
徒言之曰始吾居此幸於淨土三觀聖相今復見之吾
生淨土決矣次日寢疾至七日聖眾遙迎寂然而化時義
熙十二年八月六日也同會一百二
十三人前後皆生淨土具列碑文矣

晉闕公則

報現往生

高僧傳云東晉闕公則遠公白蓮社中人已亡友人於東
京白馬寺作忌日椽木殿宇皆作金色空中有聲云我是
闕公則所祈往生極樂寶國今
已遂矣故來相報言訖不現

天台智者

三昧往生

往生傳云天台智者釋智顓字德安潁川人開皇十七年
帝請授菩薩戒還山一心在定他日由定起謂弟子智越

外史載曰

三

曰吾之幻質旦夕云滅汝於石城巖持香花俟吾以謝此
報身及顛至施牀西向轉念彌陀佛與二菩薩及於淨土
化佛與菩薩來相遮護又命侍者讀無量壽經一心靜聽
經竟乃顧大眾合掌讚曰四十八願莊嚴淨土花池寶樹
易到無人火車相現一念改悔者尚得往生况戒定熏修
聖行道力實不唐捐豈不生耶又囑弟子多然香燭又挹
三衣鉢杖置於身側有欲進齋食者師曰能無攀緣即直
齋矣又索香湯漱淨舌根說十如四不生十法界三觀四
智四無量六波羅蜜等法僧有問其所證師曰吾不領眾
必淨六根為他損已退歸五品位耳又曰人命將終聞鐘
磬聲增其正念汝宜鳴磬以增吾念即見彌陀觀音勢至
聖眾幡花來迎於彌陀像前端坐終焉弟子等迎歸佛隴
嵩大業元年九月場帝遣使入山設
忌齋集僧開石室唯見空榻而已

後魏曇鸞

神異往生

往生傳云後魏壁谷僧曇鸞初自陶隱居得仙經十卷鸞
忻然自得以為神仙必可致也後遇僧菩提留支問云佛

道有長生乎能却老為不死乎支云長生不死吾佛道也
遂以十六觀經與之云汝可誦此則三界無復生六道無
復往其為壽也有劫石焉有河沙焉沙石之數有限壽量
之數無窮此吾金仙氏之長生也鸞深信之遂焚仙經而
專修觀經雖寒暑之變疾病之來亦不懈怠魏主憐其志
尚又嘉其自行化他流傳甚廣号为神鸞一日告弟子云
地獄諸苦不可以不懼九品淨業不可以不修因令弟子
高聲念阿彌陀佛鸞向西閉目叩頭而亡是時僧俗同聞
絃管之聲從西而來良久乃止至唐貞觀三年四月八日
道俗集其寺為如來降生之日且見鸞法師於空中乘七
寶船指道綽曰汝于淨土堂宇已成但唯報命未盡耳復
見化佛菩薩飄飄在空眾乃驚歎大生信服雖無種眾闡
提亦所服之

前唐少康 放光往生

往生傳下卷唐睦州釋少康貞元初至洛下白馬寺見殿
中文字累放光明採取之乃善導西方化導文也康曰若

於淨土有緣當使此文再發光明言未已光乃閃爍遂至
長安善導影堂大陳薦獻善導於空中曰汝依吾事利樂
有情則汝之功同生安養又逢一僧謂曰汝欲化人當往
新定言訖遂隱新定今嚴州也至彼人尚無識者康乃乞
錢誘小兒與之約曰阿彌陀佛是汝本師能念一聲與汝
一錢小兒務得其錢隨聲念之後月餘小兒念佛求錢者
衆康乃云念佛十聲乃與爾錢小兒從之如此一年無長
少貴賤凡見康者則稱阿彌陀佛以故念佛之人盈於道
路後康於烏龍山建淨土道場康升座令人面西康先唱
阿彌陀佛次衆人和之康唱時衆見一佛從其口出連唱
十聲則有十佛若聯珠狀康云汝見佛不如見佛者決生
淨土其禮佛人數千亦有竟不見者後囑衆人當於安養
起增進心於閻浮提起厭離心又云汝等此
時能見光明真我弟子遂放異光數道而亡焉

啓芳圓果 聞鍾往生

往生傳云唐汾州僧啓芳圓果二法師精心觀想淨土後
五月於觀想中同覺身臨七寶大池池間有大寶帳身入

其中見觀音勢至坐二大寶蓮花下有蓮花彌滿千萬見
阿彌陀佛從西來坐一最大蓮花迭出光明相照芳等禮
佛問云閻浮衆生依經教念佛得生此不佛云如念我名
皆生我國無有一人念而不生者又聞釋迦佛與文殊菩
薩稱讚淨土其前又有大殿殿有三道寶階第一道純白
衣第二道僧俗相半第三道唯僧無俗佛指之謂芳等云
此皆南閻浮提念佛衆生遂生於此汝宜自勉芳果既寤
歷與其徒言後五月二人無病遽聞鍾聲他人不聞芳果
云鍾聲乃我事
頃刻二人同終

台州懷玉 金臺往生

往生傳云懷玉丹丘人注想淨業近四十年天寶元年玉
念佛間忽見西方聖衆數若恒沙中有一人手擎銀臺前
以示玉玉曰如玉者本望金臺何為銀臺耶臺乃隱人亦
隱於是彌加精苦至三十七日向之擎臺者復來告云法師
以精苦故得升上品又云上品往生必先見佛可趺坐以
俟佛來未旋踵間異光照室又三日異光再發玉曰若聞

異香我報身即盡次日書偈云清淨皎潔無塵垢蓮花化
生為父母我經十劫修道來出示閻浮厭眾苦一生苦行
超十劫願離娑婆歸淨土偈畢香氣四來弟子有見佛與
二菩薩共乘金臺傍千百化佛自西而下迎玉玉恭敬合
掌含笑
長歸

相州道昂 樂西往生

續高僧傳第二十卷云唐相州寒陵山釋道昂未詳姓氏
志結西方願生安養後自知命極預於春首告諸有緣至
八月初當來取別未測其言也期月既臨一無所患齋時
即陞高座身含奇相爐發異香援引四眾授菩薩戒詞理
要切聞者寒心於時七眾圍繞昂目高視乃見天眾繽紛
絃管繁雜空中有清音遠徹告於眾曰兜率天樂下迎昂
公昂曰天道乃生死根本由來非願我常祈心淨土如何
此誠不從遂耶言訖便覩天樂上騰須臾還滅便見西方
香花伎樂充塞如團雲飛湧而來旋環頂上舉眾皆見昂
曰大眾好住今西方靈相來迎事須聞往言訖但見香爐

手於高座上端然而終即貞觀七年八月也

隋二沙彌同時往生

往生傳云隋并州文水縣開化寺有二沙彌其少者語其長者言兄作淨土業莫閑過日其長從之同念阿彌陀佛纔經五年其長沙彌先死往生淨土見阿彌陀佛坐百寶蓮花作紫金色既瞻禮已不勝忻慶即白佛言弟子有一小同學今在閻浮提中同作行業不委得生此土以不世尊報言汝本無心念吾名号是彼教汝汝既得生彼何疑矣放汝還去勤行淨業正念我名三年已後共彼同來遂即還活小沙彌聞悲喜流淚不捨晝夜專心念佛既至三年二沙彌心眼開明即見彌陀與諸聖來迎大地震動又見天花遍滿虛空此二沙彌見已忽然無病一時命終同往淨土大業十二年也

明州可久 報信往生

亦或或曰

往生傳云明州僧可久常誦法華經故号久法華平生修
淨土業元祐八年年八十一坐化三日却還說淨土事與
十六觀經所說一同見蓮花臺皆標合生者姓名一紫金
臺標云大宋城都府廣教院熏法華已坐其中又以金基
標云明州孫十二郎合生其中又一金基標云久法華又
銀臺標云明州徐道姑語訖復化去五年徐道姑卒異
香滿室又十二年孫
十二郎卒天樂盈空

今日道場同業大眾如上所說僧眾往
生今為僧者當自念云我為出家人了
達生死乃本分事不應如此汨沒塵俗
一日大限到來有何倚賴雖作世善不
免輪迴如修淨土速脫生死面見彌陀

方是出家事畢又轉以化人以已為名
僧必信從其言所為利益無有窮已必
上品往生相與志心五體投地歸依世
間大慈悲父

南無教主釋迦牟尼佛

南無西方阿彌陀佛 南無當來彌勒佛

南無拘樓孫佛 南無拘那含牟尼佛

南無迦葉佛 南無師子佛

南無明炎佛 南無牟尼佛

南無妙華佛
南無華氏佛

南無善宿佛
南無導師佛

南無大臂佛
南無大力佛

南無宿王佛
南無修藥佛

南無名相佛
南無大明佛

南無炎肩佛
南無照曜佛

南無日藏佛
南無月氏佛

南無衆炎佛
南無善明佛

南無無憂佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

一拜

長安淨真

授記往生

往生傳云唐長安尼淨真住積善寺衲衣乞食一生無嗔
 誦金剛經十萬遍專精念佛顯慶五年七月染疾語弟子
 曰五日內十度見阿彌陀佛觀音勢至菩薩僧衆不可稱
 數如來放光照吾身及室內咸皆洞明又兩度見極樂國
 土莊嚴之事寶樓閣池雜色蓮花開敷水上金沙德水諸
 天童子遊戲池中聞殊香芬郁亦見紫金臺聞天音樂千

萬諸佛皆真金色與吾授記當得作佛吾得上品往生言訖跏趺而逝光照一寺

丹陽道瑗

佛現往生

往生傳云劉宋丹陽尼道瑗少聰悟成戒之後研味三藏尤得其要大造佛像以廣福業又造金無量壽像一軀願憑其福接置西方明年夏四月十一日像於眉間大放光明照寺內盡如金色於金色中無量壽佛與瑗記曰汝捨此報必遂依我當善護持勿生疑慢瑗得其記彌增感悅於其月望日就其像前端坐入滅

洛陽悟性

中品往生

往生傳云尼悟性洛陽人於衡州遇照閣梨教願念佛因大曆六年入廬山忽病聞空中音樂尼曰我得中品上生見同念佛人西方盡有蓮花也身皆金色時年二十四

尼大明月

聞香往生

往生傳云汾州平遙度脫寺名尼大明月師玄中寺綽禪師學念佛三昧以為真極每欲稱念阿彌陀佛必換淨衣口含沉香燒衆名香熏所居室三年不斷臨終舉寺咸覩聖衆奇光光中聞沉水香尋卒

今日道場同業大衆如上所說尼衆往

生今為尼者當發願云常奉三歸恒除

五障又能精心觀想不久見佛此報身

盡必定往生相與志心五體投地歸依

世間大慈悲父

也之夕

南無教主釋迦牟尼佛

南無西方阿彌陀佛 南無當來彌勒佛

南無提沙佛 南無明耀佛

南無持鬚佛 南無功德明佛

南無示義佛 南無燈曜佛

南無興盛佛 南無藥師佛

南無善濡佛 南無白毫佛

南無堅固佛 南無福威德佛

南無不可壞佛 南無德相佛

南無羅睺佛 南無眾主佛

南無梵聲佛 南無堅際佛

南無不高佛 南無作明佛

南無大山佛 南無金剛佛

南無將衆佛 南無無作佛

南無珍寶佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切二

寶無量賢聖

一拜

小經

烏長國王 見佛往生

往生傳云烏長國王萬機之暇謂群臣曰朕為人主不免生老病死無常之苦六趣輪迴誰分貴賤聞西方佛國誓願棲神於是日夜精勤念佛行道廣行布施利樂衆生每日設一百僧齋王與后妃親手行食時請名僧咨扣妙法三十餘年精專無替一日宮中見彌陀佛西方聖衆來迎祥瑞不一端坐示滅神色怡悅

學士張抗 持課往生

往生傳云晉翰林學士張抗平生積善信重佛門誓課大悲心十萬遍願生西方課畢年過六十忽寢疾唯念阿彌陀佛謂家人云西方淨土元只在堂屋西間之內阿彌陀佛坐蓮花上翁兒在蓮花池金池地上禮佛嬉戲言訖念佛而亡翁兒乃孫子名方三二歲而亡矣

晉劉遺民 摩頂往生

往生傳云東晉逸士劉程之字仲思號遺民依遠公共修
淨土專坐禪作觀想法方半歲即於定中見佛光照耀又
地皆金色居山十五年末年又於想念佛中見阿彌陀佛
身紫金色毫光散照垂手下接以臨其室程之慰幸悲泣
自陳曰安得如來為我摩頂以衣覆我佛乃為摩其頂引
袈裟以覆之他日想念又見身入七寶大池蓮華清白相
間其水湛湛如無邊岸中有一佛項有圓光膏有卍字指
池水曰八功德水汝可飲之程之飲水甘美盈口乃還猶
覺異香發於毛孔乃曰淨土之緣至矣廬阜諸僧皆來會
程之對佛像焚香再拜祝曰我以釋迦遺教故知有阿彌
陀佛此香當先供養釋迦如來次供養阿彌陀佛復供養
法華會中佛菩薩眾以至十方佛菩薩眾願令一切有情
俱生淨土祝畢與眾話別面
西端坐斂手氣絕年五十九

信士牧卿

執幡往生

往生傳云唐信士鄭牧卿滎陽人舉家奉佛母及姊妹同
祈淨方至開元二十一年因疾困篤有醫人及同道者咸

勸喻言且進魚肉以救羸軀痊復之後修持淨戒不亦可乎牧師曰噫如此浮生縱因葷穢而得痊平終歸磨滅不奉佛禁而惜微命何為確然不許遂嚴佛事手執幡脚香爐一心稱念阿彌陀佛復作是言丈夫一心不退願往西方奄然長往異香充庭隣里共知舅氏夢寶池花敷見牧師合掌趨上時當五十九

京兆房翥 勸他往生

彌陀感應圖云唐房翥京兆人暴死至陰府見閻羅王王曰據案簿君曾勸一老人念佛已生淨土君承此福亦合生淨土故來相見翥曰先許金剛經萬卷巡禮五臺未欲往生王曰誦經巡禮固為好事不如早生淨土王知意不可奪乃放還以此知勸人修者非徒往生又感動幽冥也

宋邵希文 神遊脫難

龍舒文云鎮江邵彪字希文為士人時夢至一官府人皆稱安撫彪自喜曰豈非予及第後作安撫乎行至前見一

官負問曰汝知汝未及第因不對曰不知令引彪去看見
一大鑊煮蛤蚧見彪乃作人聲叫彪姓名彪遂念阿彌陀
佛方念一聲蛤蚧皆變作黃雀飛去彪後果及第至安撫
使以此見殺生阻人前程不可不誠又見佛力廣大不可
不敬官職自有定分不可苟求

叅軍仲回

問疑往生

往生傳云王仲回光州司士叅軍也無為郡人因陳本郡
丐埠水利大司農得其實請朝廷推恩乃有是命其為性
信厚未嘗與人校短長天衣懷禪師住鐵佛道場時亦嘗
請問而鄉里以善人稱之既而信向淨土但未具深心耳
至元祐初問余曰經典多教念彌陀生淨土祖師則云心
即是淨土不用更生西方其不同何耶答曰實際理地無
佛無衆生無樂無苦無壽無夭又何淨穢之有豈得更以
生不生為心耶此理奪事也然而處此界者是衆生乎是
佛乎若是佛境界則非衆生又何苦樂壽夭淨穢之有哉
試自忖思或未出衆生之境則安可不信教典志心念彌

隨而求生淨土哉淨則非穢樂則無苦壽則無夭矣於無
念中起念於無生中求生此以事奪理也故維摩經云雖
知諸佛國及與衆生空而常修淨土教化於群生又問如
何得念不間斷答曰一信之後更不再疑即是不間斷也
司士忻躍而去至二年十二月旦之夕余守丹陽郡忽夢
司士云向蒙指示淨土今已得生特來相謝乃再拜而去
翌日召丹徒令陳安止語其夢蓋陳令深信淨土故也後
數日得司士之子進士術哀計乃知信然又聞司士未亡
七日已前預知時至與鄉舊為別余弟侂亦在坐屢有見
謝之語然則司士決生淨土矣元祐四年四月八日無為
楊傑述

今日道場同業大衆如上所說男衆往
生今為士大夫當自念云先陰迅速幻
身難保不如每朝以頃刻之暇修西方

法門現世可以消災身後更無苦趣若
發大菩提心轉以化人其為福報豈易
量耶身後必得往生相與志心五體投
地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無七佛 南無十方十佛

南無三十五佛 南無五十三佛

南無百七十佛 南無莊嚴劫千佛

南無賢劫千佛 南無星宿劫千佛

南無十方菩薩 南無十二菩薩

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

拜一

隋文皇后 異香往生

往生徵驗傳云隋文帝后雖居王宮深厭女質常誦阿彌陀佛至臨終時異香滿室從空而至文帝問閣提三歲是

何祥瑞答曰西方有佛号阿彌陀皇后
業高神生彼國况聖教分明無致疑矣

荆王夫人 立化往生

龍舒文云荆王夫人元祐間與婢妾精修西方唯一妾懶
怠夫人斥去其妾悔悟精進久之謂他妾云吾今夜當生
西方是夜異香滿室無疾而終明日同事之妾告夫人云
昨夜夢化去之妾託致起居云夫人訓責我修西方今以
獲往生感德無量夫人云使我亦夢乃可信耳其夜夫人
夢見亡妾叙謝如前夫人云西方可到不妾云可到但從
妾行夫人隨之見池塘廣大紅白蓮花大小相間或榮或
悴種種不同夫人問云何以如此妾云此皆世間教念修
西方人也纔數一念池內便生蓮花一朶若願心精進則
花日日敷榮以至大如車輪若願心退轉則花日日萎悴
以至殞滅次見一人坐蓮花上其衣飄揚散去寶冠瓔珞
莊嚴其身夫人問云何人也妾云楊傑也又見一人坐於
花上妾云馬玠也夫人云我當生何處妾引行數里許遙
望見一金壇金碧照曜妾云此夫人化生處乃上品上生

夫人既覺訪問楊馬所在傑已亡而玆無恙是知精進不退者雖身在娑婆之內其神已在淨土矣後夫人於生日秉燭焚香望觀音閣而立子孫方具獻壽之儀已立化矣

夫人馮氏 病差往生

龍舒文云馮氏夫人名法信贈少師諱詢之女適陳宣使陳思敬少多疾及嫁疾尤甚醫者以為不可療往見慈受深禪師問愈疾之方深教以持齋誦佛夫人盡去葷血及莊飾之奉衣掃塔服專以西方為念行坐語默動靜皆西方也剎那之次念秋毫之善酌水獻花誦經行道一以為西方之津糧十年間無惰容心安體健神氣昌旺人皆尊向之一日忽書偈云隨緣任業許多年在作老牛為耕田打疊身心早歸去免教鼻孔受人穿族黨恠之夫人云行即西歸何恠之有乃卧疾微有喘息忽翼然而起云吾神遊淨土面禮彌陀觀音左顧勢至右盼百千萬億清淨佛子稽首慶我來生其國若宮殿林沼光明神麗與華嚴經及十六觀經所說一同明日安然化去家人聞妙香芬馥

不類人間及三日
茶毗舉尸如生

觀音縣君

侍女往生

龍舒文云觀音縣君姓吳氏其夫都官負外郎呂宏亦悟
佛理夫婦各齋戒清修吳氏有二侍女亦絕葷血勤力助
為勝業其一頗好禪理既病猶怡然笑語而逝如委蛻然
其一奉戒尅苦或終月不食但日飲吳氏所呪觀音淨水
一盞而已忽見金蓮捧足者三數日見其膝又數日見其
身又數日見其面目其中乃阿彌陀佛左右則觀音勢至
也又悉見其堂殿國界較如拍掌曉然知其為淨土問其
詳則云彼皆清淨男子經行遊樂無女人也又問彼佛如
何說法云我得天眼未得天耳故但見問答拍顧而不能
聞所說也如是者三年未嘗一瞬不在目前忽感疾自言
往生乃終吳氏事觀音有靈感每於淨室列置鉢缶數十
以水注滿手持楊枝誦呪必見觀音放光入鉢缶中病苦
者飲水輒愈所呪水積歲不
壞大寒不凍世号觀音縣君

信女梁氏

目明往生

往生傳云唐清信女梁氏括州人也宿殃所鍾雙目無見
遇僧勸令念佛一聞教誨係心相續三年之後兩目洞開
無復纖翳所患既痊勤苦彌切至貞觀三年二月中不豫
自知報盡臨終之時合村共見阿彌陀佛與諸大士幡花
降迎遂終于世

温文靜妻

辭親往生

往生傳云唐并州晉陽縣温文靜妻先患半身不遂寢卧
床枕其夫告曰終朝卧地何不念佛其妻問曰念何佛夫
曰念阿彌陀佛妻奉教而念二年之中精志不絕罪障消
滅彼佛現前金光洞徹備觀聖妙之事於是極懷悲愧謝
其夫曰長病多時惱亂不少蒙教念佛感應殊異後日報
終當往生彼國請告父母兄弟諸親設齋取別文靜初未
信之試集親賓一依所請齋訖信女辭曰今隨佛後往生
西方惟願父母親屬勤心念佛於後生來念佛一門功德

不可思議言罷即正坐而向自稱佛
号舉家齊念見佛來迎寂然而終

姚范行婆

佛候往生

往生傳云姚行婆上都人貞觀年中因范行婆勸念阿彌
陀佛臨終時見佛來迎乃曰未與范行婆別請佛暫駐相
待佛處虛空候范行婆
至手執香爐奄然而逝

世子童女

勸母往生

法苑珠林云童女宋朝魏世子梁郡人父子三人俱修西
方唯妻不修女年十四死後七日却迴啓母曰兒往西方
父兄及己已有蓮花後當化生唯母獨無兒今暫歸相
報至後母依兒教日念彌陀四人盡得往生安養矣

今日大衆如上所說女衆往生今為女
衆當自念云據佛所言欲心重者受婦

女身已非善業若不自省更加嫉妬貪
欲業緣轉深果報可畏若能迴心懺悔
絕其非念仁慈以待婢妾溫和以禮上
下常念阿彌陀佛定生極樂世界若轉
化親戚及婢妾其福報無窮必上品生
相與志心五體投地歸依世間大慈悲
父

南無教主釋迦牟尼佛

南無西方阿彌陀佛

南無當來彌勒佛

又復歸依十方盡虛空界無量形像優
填王金像梅檀像阿育王銅像吳中石
像師子國玉像諸國土中七寶像真珠
像摩尼寶像紫磨上色閻浮檀金像

又復歸依十方如來一切髮塔齒塔牙
塔爪塔頂骨塔一切身中諸舍利塔袈
裟塔匙鉢塔澡鉗塔錫杖塔如是等為
佛事者

又復歸依諸佛生處塔得道塔轉法輪

塔般涅槃塔多寶佛塔阿育王所造八
萬四千塔天上塔人間塔龍王宮中一
切寶塔又復

歸依十方盡虛空界一切諸佛
歸依十方盡虛空界一切尊法
歸依十方盡虛空界一切賢聖

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

犯戒雄俊 暴亡往生

往生徵驗傳云唐釋雄俊城都人善講說無戒行所得施利非法而用又曾還俗入軍營殺戮逃難再入僧中大曆年中忽死見閻羅王判入地獄俊高聲曰雄俊若入地獄三世諸佛即成妄語觀經云下品生者造五逆罪臨終十念尚得往生俊雖造罪不作五逆若論念佛不知其數言訖往生西方乘臺而去

販雞鍾馗 念佛往生

往生傳云張鍾馗同州人販雞為業永徽元年臨終見宅南群雞集忽見一人著緋皂幘駢雞唱言啄啄其雞四交上啄兩眼出血在牀至苦時值普光寺僧導令鋪聖像念阿彌陀佛忽聞異香奄然而逝

屠牛善和 十念往生

往生傳云唐張善和殺牛為業臨終見牛數頭作人言云汝殺我善和大恐告妻云急請僧來救我僧至云十六觀經說若人臨終地獄相現志心十稱南無阿彌陀佛即得往生淨土善和不暇取香爐即以左手擎火右手捻香面西專切念佛未滿十聲乃云我見阿彌陀佛從西而來與我寶座言訖而終

冤鬼仲舉 急念往生

龍舒文云仲舉姓陳又名仙龍舒郡望江人也嘗妄殺人後見鬼現仙畏懼急急念阿彌陀佛鬼不敢近仲舉念佛不已鬼遂不現後常念佛臨終坐化後半年附本家孫女名妙光云我因念彌陀已生極樂世界舉動言語一如平生親戚相知皆來看至兩三日家人云惜乎你在生時不曾傳得喜神供養仲舉遂現儼然如平生唯面帶少顏蓋西方長生不老其頭如佛之螺髻望江人周憲叔於王日休處言之

瘤病吳瓊 一聲往生

又臨安府仁和吳瓊先為僧後還俗前後兩娶生二子屠沽無所不為常與人作厨子每殺雞鴨等物命以手持起叫云阿彌陀佛子好脫此身去遂殺之連稱佛數聲每切肉時一面切肉一面念阿彌陀佛常念不輟教村中人念經修懺及勸人念阿彌陀佛後眼上生瘤如雞子大乃憂怖造一草庵分散其妻子晝夜念佛修懺紹興二十三年秋告村中人云瓊來日戌時去也人皆笑之將用扼鉢鍋子盡與人次日晚報諸道友行婆云瓊去時將至盡來與瓊高聲念佛相助將布衫當酒飲了即寫頌云似酒皆空問甚禪宗今日珍重明月清風端坐合掌念佛叫一聲佛來即化去

今日道場同業大眾如上所說造惡行
兇冤業病苦亦得往生勸罪惡人當自

念云我平生罪惡既多一旦瞑目之後
將如之何須急懺悔迴心念阿彌陀佛
發大願云願我見佛得道之後盡度從
生以來所害衆生皆生淨土相與志心
等一痛切五體投地歸依世間大慈悲
父

南無教主釋迦牟尼佛

南無西方阿彌陀佛 南無當來彌勒佛

南無花日佛 南無軍力佛

南無花光佛
南無仁愛佛

南無大威德佛
南無梵王佛

南無量明佛
南無龍德佛

南無堅步佛
南無不虛見佛

南無精進德佛
南無善守佛

南無歡喜佛
南無不退佛

南無師子相佛
南無勝知佛

南無法氏佛
南無喜王佛

南無妙御佛
南無愛作佛

南無德臂佛
南無香象佛

南無觀視佛
南無雲音佛

南無善思佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

拜一

今日道場同業大眾如上往生傳中所

說人等已離穢土俱趣淨方孕七寶池
捨胞胎苦不歷三祇便成佛道今欲速
超生死得涅槃常樂無出往生一門矣

禮念彌陀道場懺法卷第四

麟

音麟

唄

音貝

揖

伊入切

顛

音蟻

頰

余頰切

俟

牀史切

施牀

上武支切設也

捐

音緣

挹

音色

煬

音樣

榻

音塔

綽

昌約切

探

音貪取也

寤

音悟

踵

之隴切

昂

五剛切

援

音園

姑

卜子律切

卒

於六切

郁

於六切

鬚

音

濡

音

精

音

怡

與支切

嬉

許其切

阜

扶九切

榮

音

噫

於其切

葷

音

確

苦角切

翦

章庶切

彪

悲幽切

蛤

音

蜊

音

利

巧

烏音

埠

旱音

翌

於計切

訃

赴音

件

五音

斥

尺音

萎

於為切

粹

秦醉切

殞

于敏切

玕

孟音

恙

揀音

衣

上去

掃

著也

旺

于放切

喘

音

雙

居縛切

盼

匹覓切

蛻

稅音

缶

方負切

括

古活切

係

音

心

計

上音

註

音

戮

六音

幘

責音

仙

呼煙切

瘤

溜音

娶

趣音

輟

陟劣切

禮念彌陀道場懺法卷第五

極樂莊嚴第五

今日道場同業大衆前已廣明往生傳
錄次應隨喜極樂莊嚴勝妙境界宜應
發起欣樂趣向之心求願往生且初生
淨土已得超昇始見彌陀永無退轉速
悟無生法忍頓捐有漏凡情喜樂難思
壽命無量諸佛世界有無邊極樂莊嚴
為第一相與志心等一痛切五體投地

歸依世間大慈悲父

南無教主釋迦牟尼佛

南無世自在王佛 南無西方阿彌陀佛

南無四十四俱胝佛

南無北方現在一切諸佛

南無無量光嚴通達覺慧佛

南無無量天鼓震大妙音佛

南無大溘佛 南無光網佛

南無娑羅帝王佛

如是等佛如苑伽沙住在北方廣長舌
讚佛土功德攝受法門

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大衆志心諦聽西方淨
土微妙莊嚴如經所說次第開陳

法藏誓願

修因莊嚴

無量壽經云佛告阿難乃往過去無央數劫有佛名世自在王如來十号具足時有國王聞佛說法發無上道意棄國捐王行作沙門号曰法藏才高智勇与世超絕白佛言我發無上道意願說經法我當修行令我於世速成正覺拔諸生死勤苦之本時世自在王佛為說二百一十億諸佛刹土天人善惡國土鹿妙法藏比丘聞已修行五劫於世自在王如來前超發四十八殊勝大願

四十八願

願力莊嚴

惡趣無名願

一者若我成佛國土有地獄餓鬼畜生名者我終不取正覺

無墮惡道願

二者若我成佛國中衆生有
墮三惡道者我終不取正覺

同真金色願

三者若我成佛國中有情若不
皆同真金色者我終不取正覺

形貌無差願

四者若我成佛國土有情形
與差別有好醜者不取正覺

成就宿命願

五者若我成佛國土有情不得宿命不
知億那由他百千劫事者不取正覺

生獲天眼願

六者若我成佛國土有情若無天眼不
見億那由他百千諸佛國者不取正覺

生獲天耳願

七者若我成佛國中有情不獲天耳不聞
億那由他百千諸佛說法者不取正覺

普知心行願

八者若我成佛國土有情無他心智不知
億那由他百千佛國有情心行者不取正
覺

神足超越願

九者若我成佛國土有情不獲神通於一
念頃不能超過億佛刹土者不取正覺

淨無我想願

十者若我成佛國中有情起於
以分我我所想者不取正覺

決定正覺願

十一者若我成佛國土有情若不決定成等正覺者不取正覺

光明普照願

十二者若我成佛國土有情光明有限不照那由他百十億佛刹者不取正覺

壽量無窮願

十三者若我成佛國土有情不壽量無限乃至算數劫者不取正覺

聲聞無數願

十四者若我成佛國中聲聞無有能知其數若有知者不取正覺

衆生長壽願

十五者若我成佛國土有情不壽量無限齊者不取正覺除願力受生

皆獲善名願

十六者若我成佛國土有情有不善名者不取正覺

諸佛稱讚願

十七者若我成佛彼無量刹中無數諸佛不共稱讚我國者不取正覺

十念往生願

十八者若我成佛餘刹有情聞我名已願生我國乃至十念若不生者不取正覺除五無間誹謗正法及毀聖人

臨終現前願

十九者若我成佛餘刹有情發菩提心願
生極樂臨終我當現其人前若不爾者不

取正覺

廻向皆生願

二十者若我成佛餘刹有情聞說我名善
根廻向願生我國若不爾者不取正覺

具足妙相願

二十一者若我成佛國中菩薩
皆不具三十二相者不取正覺

咸階補處願

二十二者若我成佛國中菩薩咸悉位階
一生補處行普賢道若不爾者不取正覺

晨供他方願

二十三者若我成佛國中菩薩晨朝供養他方無數諸佛食前還至本國若不爾者

不取正覺

所須滿足願

二十四者若我成佛國中菩薩所須種種供具於諸佛所植諸善根不圓滿者不取

正覺

善入本智願

二十五者若我成佛國中菩薩不善順入一切智者不取正覺

那羅延力願

二十六者若我成佛國中菩薩若無那羅延堅固力者不取正覺

莊嚴無量願

二十七者若我成佛國中諸莊嚴具
若有能知及總宣說者不取正覺

寶樹悉知願

二十八者若我成佛國中無量眾色
寶樹諸菩薩眾不了知者不取正覺

獲勝辯才願

二十九者若我成佛國土眾生
不獲得勝辯才者不取正覺

大辯無邊願

三十者若我成佛國中菩薩若
不成就無邊辯才者不取正覺

國淨普照願

三十一者若我成佛國土光淨普照佛刹如明鏡中現其面像若不爾者不取正覺

無量勝音願

三十二者若我成佛國界之內有無量音殊勝超世若不爾者不取正覺

蒙光安樂願

三十三者若我成佛十方衆生蒙我光所照燭者身心安樂若不爾者不取正覺

成就總持願

三十四者若我成佛十方菩薩聞我名者若不得陀羅尼者不取正覺

永離女身願

三十五者若我成佛諸佛土中若有女人聞我名已得清淨信發菩提心來生不捨

女人身者
不取正覺

聞名至果願

三十六者若我成佛諸佛土中菩薩聞
我名已若不修行至菩提者不取正覺

天人敬禮願

三十七者若我成佛十方菩薩聞我名已
發清淨心一切天人不敬禮者不取正覺

須衣隨念願

三十八者若我成佛國中衆生所須
衣服應念即至若不爾者不取正覺

纔生心淨願

三十九者若我成佛諸衆生類纔生我國
若不皆獲心淨安樂如羅漢者不取正覺

樹現佛刹願

四十者若我成佛國中群生欲見諸佛淨國於寶樹間悉皆出現若不爾者不取正覺

無諸根缺願

四十一者若我成佛餘刹衆生聞我名已諸根有缺德用非廣者不取正覺

現證等持願

四十二者若我成佛餘刹菩薩聞我名已若不現證三摩地者不取正覺

聞生豪貴願

四十三者若我成佛餘刹菩薩聞我名已壽終不生豪貴家者不取正覺

具足善根願

四十四者若我成佛餘剎菩薩聞我名已若不修行具善根者不取正覺

供佛堅固願

四十五者若我成佛餘剎菩薩聞我名已供養諸佛乃至菩提有退轉者不取正覺

欲聞自聞願

四十六者若我成佛國中菩薩所欲聞法自然得聞若不爾者不取正覺

菩提無退願

四十七者若我成佛餘剎菩薩聞我名已於菩提心有退轉者不取正覺

現獲忍地願

四十八者若我成佛餘刹菩薩聞我名已
不獲忍地於諸佛法現證不退轉者不取
止覺

佛告阿難往昔法藏比丘者今西方極樂世界無量壽佛
是國土嚴好壽命無量眷屬不可思議一切皆是因中所
發大願之所成就

今日道場同業大眾如經所說四十八
願修因莊嚴相與志心五體投地歸依
世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無善意佛 南無離垢佛

南無月相佛
南無大名佛

南無珠髻佛
南無威猛佛

南無師子步佛
南無德樹佛

南無觀釋佛
南無慧聚佛

南無安住佛
南無有意佛

南無鶖伽陀佛
南無無量意佛

南無妙色佛
南無多智佛

南無光明佛
南無堅戒佛

南無吉祥佛
南無寶相佛

南無

南無蓮花佛
南無那羅延佛

南無安樂佛
南無智積佛

南無德敬佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖拜一

彌陀名號
壽光莊嚴

彌陀經云佛告長老舍利弗從是西方過十萬億佛上有
世界名曰極樂其土有佛号阿彌陀今現在說法舍利弗
彼土何故名為極樂其國衆生無有衆苦但受諸樂故名
極樂舍利弗彼佛何故名阿彌陀彼佛光明無量照十方
國無所障礙是故名為阿彌陀彼佛壽命及其人民無量
無邊阿僧祇劫故名阿彌陀阿彌陀佛成佛已來於今十
劫彼佛有無量聲聞弟子皆阿羅漢非是算數之所能出豈
知諸菩薩衆亦復如是彼佛國土成就如是功德莊嚴字号

二大士觀 寶像莊嚴

觀經云想彼佛者先當想像閉目開目見一寶像如閻浮
檀金色坐彼花上見像坐已心眼得開了了分明見極樂
國七寶莊嚴寶地寶池寶樹行列諸天寶幢彌覆其上衆
寶羅網滿虛空中見如此事極令明了如觀掌中見此事
已復當更作一大蓮花在佛左邊如前蓮花等無有異復
作一大蓮花在佛右邊想觀世音菩薩像坐左花座亦作
金色如前無異想一大勢至菩薩坐右花座此想成時佛
菩薩像皆放光明其光金色照諸寶樹一一樹下亦有三

蓮花諸蓮花上各一佛二菩薩像遍滿彼國此想成時行者當聞水流光明及諸寶樹鳧鴈鴛鴦皆說妙法出定入定恒聞妙法行者所聞出定之時憶持不捨與修多羅合若不合者名為龜想見極樂世界是為像想

今日道場同業大眾如上一所說彌陀名號寶像莊嚴相與志心五體投地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無梵德佛 南無寶積佛

南無華天佛 南無善思議佛

南無法自在佛
南無名聞意佛

南無樂說聚佛
南無金剛相佛

南無求利益佛
南無遊戲神通佛

南無離闇佛
南無名天佛

南無彌樓相佛
南無衆明佛

南無寶藏佛
南無極高行佛

南無提沙佛
南無珠角佛

南無德讚佛
南無日月明佛

南無星宿佛
南無日明佛

南無師子相佛 南無違藍王佛

南無福藏佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖拜一

彌陀國土 極樂莊嚴

今日大眾重復志誠一心諦聽大阿彌

陀經云阿彌陀佛作佛以來凡十小劫
所居國土名須摩提正在西方去是閻
浮提地界千億萬須彌山佛國其國地
皆自然七寶一者白銀寶二者黃金寶
三者水晶寶四者瑠璃寶五者珊瑚寶
六者琥珀寶七者磈磈寶為地曠蕩甚
大無極各自焜煌叅明極自軟好甚殊
無比諸八方上下衆寶中精自然合會
化生耳其實皆第六天上之寶也其國

無大小海水江河山林溪谷無有幽冥
之處亦無春夏秋冬亦無大寒大熱常
和調中適甚快善無比皆有自然萬種
之物百味飯食意欲有所得自然在前
所不用者即自然化去即皆隨意國中
悉諸菩薩羅漢無有婦女女人往生即
化成男子皆面目端正淨潔絕好悉同
一色無有偏醜惡者也皆才猛點慧衣
自然之衣心中所念道德其欲語言皆

豫相知意所念言常說正事所語輒說
經道終不說他餘之惡語其語言音如
三百鐘聲皆相敬愛無相嫉憎如兄如
弟皆心淨潔無所貪慕自知前世所從
來生億萬劫時宿命善惡存亡現在却
知無極佛言八方上下無央數佛國諸
天人及蛇飛螻動之類生阿彌陀佛
國者皆於七寶水池蓮花中化生便自
然長大亦無乳養之者皆食自然之飲

食其身體亦非世間人之身體亦非天
上人之身體皆積衆善之德悉受自然
虛無之身無極之體其殊好無比佛言
所居七寶舍宅有在虛空中者有在地
者有欲令舍宅最高者舍宅即高中有
欲令最大在虛空中皆自然隨意中有
殊不能令舍宅隨意者皆是前世求道
時不慈心精進耳佛言諸菩薩羅漢悉
皆洞視徹聽見知八方上下去來現在

之事復知無數天上天下人民及蝻飛
蠕動之類心意所念善惡口所欲言皆
知當何歲何劫得度脫得人道往生阿
彌陀佛國知當作菩薩羅漢皆豫知之
佛言八方上下無央數諸天人民蝻飛
蠕動之類其生阿彌陀國當作佛者不
可復勝數諸作羅漢得泥洹道者亦無
央數不可復計阿彌陀佛為諸菩薩羅
漢說經時都悉大會講堂上諸菩薩羅

漢及諸天人民無央數都不可復計皆
飛到佛所為佛作禮却坐聽經其佛廣
說道智大經皆悉聞知莫不歡喜踊躍
心開解者即四方自然亂風起吹七寶
樹作五音聲七寶樹花覆蓋其國皆在
虛空中下其花之香遍國中皆散佛及
菩薩羅漢上花墮地皆厚四寸小萎即
亂風吹萎花自然去如是四反佛言我
第二弟子摩訶目乾連於諸佛國菩薩

阿羅漢中最爲無比飛行進止智慧勇
猛洞視徹聽知八方上下去來現在之
事百千億萬倍共合爲一智慧當今在
阿彌陀佛國中羅漢邊其德尚復不及
百千億萬倍佛言第一四王天第二忉
利天上至二十八天上諸天人皆持天
上萬種自然之物百種雜色華香繒絲
劫波育氎衣萬種伎樂轉倍好相勝各
持來下爲阿彌陀佛作禮供佛及菩薩

阿羅漢諸天人皆復大作伎樂當是之時快樂不可言諸天更相開避後來者轉復供養如前乃至其作菩薩者皆欲令悉作佛作佛已轉復教授八方上下諸天人及蜎飛蠕動之類皆復欲令作佛作佛已復教授諸無央數天人民蜎飛蠕動之類皆令復泥洹道去諸可教授弟子者展轉復相教授轉相度脫至令得四果辟支佛道轉相度脫皆得

泥洹之道不可復計劫終無般泥洹時
佛言我說阿彌陀佛功德國土快善晝
夜一切尚復未竟我但爲汝曹小說之
耳

今日道場同業大眾如大經說彌陀國
土極樂莊嚴相與志心五體投地歸依
世間大慈悲父

南無教主釋迦牟尼佛

南無西方阿彌陀佛南無當來彌勒佛

南無見有邊佛

南無電明佛

南無金山佛

南無師子德佛

南無勝相佛

南無明讚佛

南無堅精進佛

南無具足讚佛

南無離畏佛

南無應天佛

南無大燈佛

南無世明佛

南無妙香佛

南無持上功德佛

南無離暗佛

南無寶讚佛

南無師子顏佛

南無滅過佛

南無持甘露佛 南無人月佛

南無喜見佛 南無嚴莊佛

南無珠明佛 南無山頂佛

南無名相佛 南無法稱佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

一拜

寶河清淨 德水莊嚴

大寶積經云佛告阿難彼極樂國無諸山海而有諸河八
功德水濬流恒激出微妙音譬若諸天百千伎樂安樂世
界其聲普聞有諸名花汭流而下和風微動出種種香居
兩岸邊多栴檀樹脩條密葉交覆於河結實開花芳暉可
玩群生遊樂随意往來或有涉河濯流嬉戲感諸天水善
順物宜深淺寒温曲從人好阿難大河之下地布金沙有
諸天香世無能喻隨風散馥雜水流芬彼國人衆或時遊
覽同萃河濱激流之響雖獲天耳終竟不聞或有願聞即
隨領悟百千萬種佛法僧聲所有衆生或已生或現生或
當生皆得諸妙色身形貌端正神通自在福力具足受用
種種宮殿園林衣服飲食香花瓔珞随意所須悉
皆如意如是飲食即同食已色力增長而無便穢

寶殿如意 樓閣莊嚴

又經云若諸有情所須宮殿樓閣隨所樂欲高下長短廣
狹方圓及諸牀座妙衣敷上以種種寶而莊飾之於諸衆

生前自然出現人
皆自謂各處其宮

晝夜長遠 時分莊嚴

校量佛刹功德經云不可思議光王菩薩白眾言汝諸佛
子今當諦聽此娑婆世界滿一大劫校量時分是彼西方

極樂世界無量
壽佛刹一晝夜

今日道場同業大眾如經所說寶河清

淨晝夜長遠無量莊嚴相與志心五體

投地歸依世間大慈悲父

南無教主釋迦牟尼佛

南無西方阿彌陀佛 南無當來彌勒佛

南無定義佛 南無施願佛
南無寶衆佛 南無衆王佛
南無遊步佛 南無安隱佛
南無法差別佛 南無上尊佛
南無極高德佛 南無上師子音佛
南無樂戲佛 南無龍明佛
南無華山佛 南無龍喜佛
南無香自在佛 南無大名佛
南無天力佛 南無德鬚佛

南無龍手佛 南無善行意佛

南無因莊嚴佛 南無智勝佛

南無量日月佛 南無寶語佛

南無日明佛

南無文殊師利菩薩 南無普賢菩薩

南無觀世音菩薩 南無大勢至菩薩

南無清淨大海眾菩薩

又復歸依如是十方盡虛空界一切三

寶無量賢聖

一拜

二十四樂 淨土莊嚴

安國欽云所言極樂者有二十四樂一欄楯遮防樂二寶網羅空樂三樹陰通衢樂四七寶浴池樂五八水澄漪樂六下見金沙樂七階際光明樂八樓臺陵空樂九四蓮花香樂十黃金為地樂十一八音常奏樂十二晝夜雨花樂十三清晨策勵樂十四嚴持妙花樂十五供養他方樂十六經行本國樂十七眾禽和鳴樂十八六時聞法樂十九存念三寶樂二十無三惡道樂二十一有佛變化樂二十二樹搖羅網樂二十三千國同聲樂二十四聲聞發心樂

二十種益 功德莊嚴

群疑論云西方淨土有三十種益一受用清淨佛土益二得大法樂益三親近佛壽益四遊歷十方供佛益五遊諸佛所聞法授記益六福慧資糧疾得圓滿益七速證無上正等菩提益八諸天人等同集一會益九常無退轉益十無量行願念念增進益十一鸚鵡舍利宣揚法音益十二清風動樹如眾樂益十三摩尼水漩宣說苦空益十四諸

樂音聲奏眾妙音益十五四十八願永絕三塗益十六真
金色身益十七形無醜陋益十八具足五通益十九常住
定聚益二十無諸不善益二十一壽命長遠益二十二衣
食自然益二十三唯受眾樂益二十四三十二相益二十
五無寶女人益二十六無有小乘益二十七離於八難益
二十八得三法忍益二十九身有常光益三十得那羅延
身益如上略述法利無
邊聖境非虛真談匪謬

今日道場同業大眾如上所說一切莊
嚴相與志心五體投地歸依世間大慈
悲父

南無教主釋迦牟尼佛

南無西方阿彌陀佛 南無當來彌勒佛

南無定意佛

南無無量形佛

南無照明佛

南無寶相佛

南無斷疑佛

南無善明佛

南無不虛步佛

南無覺悟佛

南無華相佛

南無山主王佛

南無大威德佛

南無遍見佛

南無無量名佛

南無寶天佛

南無住義佛

南無滿意佛

南無上讚佛

南無無憂佛

南無無垢佛
南無梵天佛

南無華明佛
南無身差別佛

南無法明佛
南無盡見佛

南無德淨佛

南無文殊師利菩薩
南無普賢菩薩

南無觀世音菩薩
南無大勢至菩薩

南無清淨大海衆菩薩

又復歸依如是十方盡虛空界一切三

寶無量賢聖

拜一

今日道場同業大衆如經所說極樂莊嚴不可思議勝妙境界十方淨土諸天王宮無能比者是故我等與一切衆生願往彼國同得受用一切莊嚴無盡快樂永得清淨長辭四趣面奉彌陀親承授記六度四等無不備行具四辯才得佛十力相好嚴身神通無礙入金剛心成等正覺

禮念彌陀道場懺法卷第五

鳧

扶音

焜

焜音

焜

皇音

黠

胡八切

衣

自去上

繒

疾陵切

疊

音

疊

音

瘡

峻音

沁

緣音


萃

悴音

漪

衣音

[illegible]	[illegible]	[illegible]	[illegible]	[illegible]	[illegible]	[illegible]
-------------	-------------	-------------	-------------	-------------	-------------	-------------





齊

上

彌

陀

禮

上